



町中武田
番 363
巻

性西畧序



性西畧序

昔先君子嘗以儒業訓予每見今之登仕路者
天各一方既缺問於晨昏曷能全於子職親
老年荒而莫繼養於有之庸醫非徒以益
而及致害於間亦有之觸于目感于心故深
次畫鎖於名利於之莫能脫也予正為

丁卯赴考拂意時來未冠先君年七十
有五矣何能俟志之達而榮養乎至
盡心於君者鮮克盡心於親也忠孝難
以兩全于是役志於醫而年祿之心自
益淡焉因取軒岐伊李彭華內經湯液
等書閱之且知古之方書以常用其不
過三三百味更迭調換而已其間亦有以
說不同一嗜之下某藥性寒無毒又
曰微溫有小毒某曰溫無毒如陳皮則
曰雷白多補胃和中去白芨消痰泄氣
五曰蒼氣健胃香附子曰消食寬
中五曰蒼氣理胃似此之類難以枚舉

如木通指心通草石脂指心空亡本之
物而指為一物俾后學何以揆哉余必
取涉書參互訂正名曰益步性子畧非
酌為明者道但亦可資後學處方之

一助云爾 出

嘉祐乙巳季冬望日欽此豐陽七潭鄭寧書

新刊藥性要畧目錄

一卷

諸品藥性陰陽論

用藥陰陽法象

古人服藥法

手足三陰三陽明訓圖

手足陰陽表裡引經例

藥性升降浮沉補瀉法

東垣引經

引諸經報使歌訣

瀉諸經火邪用藥例

散諸經寒邪用藥例

治諸經頭痛要藥

隨症用藥凡例

攻剋血積癥瘕諸藥

孕婦忌用諸藥

藥有十八相反

藥有十九畏

藥性賦

寒熱溫平四章

二卷

○草木花卉部

人參

黃芪

甘草

山藥

白扁豆

茨實

茯苓

茯神

白朮

蒼朮

沙參

玄參

苦參

貝母

知母

黃柏

黃連

胡黃連

黃芩

黃梔

丹參

紫參

天冬

麥冬

生苧

熟苧

當歸

川芎

撫芎

芎藭

白芷

藁本

細辛

馬蹄辛

白芍

赤芍

桔梗

烏藥

三卷

厚朴

陳皮

青皮

枳殼

枳實

半夏

南星

蒟蒻

前胡

柴胡

銀柴胡

葛根

升麻

麻黃

桂

筒桂

肉桂

桂心

桂花

紫蘇

蘇子

玄胡索

胡芦巴

補骨脂

骨碎補

狗脊

兔絲子

胡麻子

大麻子

苧麻子

白油麻

覆盆子

金櫻子

肉蓯蓉

瑣陽

牛膝

杜仲

訶子

黑附子

側子

天雄

川烏

草烏

白附子

白薇

白薇

白朮

續斷

石斛 遠志 益智 縮砂仁

白豆蔻 草豆蔻 草果 肉果

香附子

四卷

紅豆 良姜 生姜 乾姜

川椒 秦椒 胡椒 薑撥

薑澄茄 吳茱萸 葱白

葱根 葱汁 葱子 蒜

韭子 韭汁 胡姜 蘿蔔

蘿蔔子 山查 使君子 木瓜

甜瓜蒂 王瓜 王瓜根 王瓜子

瓜麥子 天花粉 地骨皮 枸杞子

五味子 藟粟 藟粟壳 薏苡仁

何首烏 石蓮子 蓮子 蓮花鬚

蓮葉房 藕 藕節汁 蒲黃

蒲黃查 葛蒲 艾葉 薄荷

荊芥 香薷 神麴 麥芽

大麥 小麥 浮小麥 蕎麥

粳米 陳米 粟米 黍米

糯米 谷芽 飴糖 酒

醋 淡豆豉 赤小豆 菜豆粉

豆芽 黑豆 山豆根 威靈仙

防風 連翹 羌活 獨活

天麻 定風草 赤箭 菘蘼

接萼

殺萼葉

山牛

桑寄生

楓寄生

淫羊藿

大楓子

牛蒡子

蒼耳子

蒼耳草

佛耳草

五卷

益母草

荒蔚子

蔓荆子

决明子

草麻子

白蒺藜

木賊草

密蒙花

旋覆花

甘菊花

菊花

白菊花

款冬花

金銀花

過冬藤

釣藤

青藤

尋風藤

甘露藤

石楠葉

茵芋葉

芙蓉葉

尤姜葉

海桐皮

榆皮

秦皮

白蘚皮

白楊皮

紫荊皮

杜荊子

紫荊木

牡丹皮

五加皮

桑白皮

桑汁

桑葉

杏仁

桃仁

桃鳧

桃膠

柳李仁

栝子仁

紅花

蘇木

乾漆

京三稜

草三稜

蓬莪朮

阿魏

鬱金

姜黃

蓬莪朮

大黃

巴豆

皂莢

雷丸

大腹子

大腹皮

摳榔

牽牛

商陸

秦艽

防己

木通

通草

燈心草

猪苓

澤瀉

瞿麥

菡萏

車前子

車前葉根

茵陳

昆布

海藻

甘遂

芫花

蕘花

大戟

巴戟

六卷

黃精

姜藜

蕤仁

女萎

冬瓜仁

冬瓜

冬瓜汁皮

茄兒

芸臺

橘仁

酸棗仁

大棗

烏梅

白梅

李核仁

杏仁皮

椿白皮

樗白皮

川棟子

棟白皮

石榴皮

梨皮

胡桃肉

梨實

榧實

柿乾

柿霜

柿蒂

枇杷葉

橄欖

龍眼

荔枝

椰子

苦茗

苦苣

大小茴香

薜蘿

甘松

三柰

青蒿

蘇精

白百合

紅百合

百部

楓香

茅香花

零陵香

松香

丁香

丁香花

丁香皮

乳香

薰陸香

蘇合香

安息香

沒藥

血結

片腦

相思子

樟腦

南木香

青木香

馬兜苓

馬兜勃

牛李子

蛇床子

木鱉子

鶴虱

狼毒

羊桃

羊蹄躑

羊蹄根

虎杖根

馬鞭草

馬齒莧

馬蘭花

馬蘭子根

馬蘭

澤蘭

木蘭

辛夷

蕪荑

杜若

芳薈

藜芦

漏芦

吳藍

青黛

監實	地榆	石葦	石龍芻
石龍芮	草龍胆		

新刊藥性要畧大全卷之

欽北豐口 七潭翁 鄭康寧 編集

愚男鶴石 主人 鄭獻 訂正

書林 明德堂 劉氏 刊行

諸品藥性陰陽論

夫藥有寒熱溫平之性酸苦辛鹹甘淡之味升降浮沉之能互相氣味厚薄不同輕重不等寒熱相雜陰陽相混或氣一而味殊或味同而氣異總而言之不可混設分而言之各有所歸本乎天者親上本乎地者親下輕清成象重濁成形清陽發腠理濁陰走五臟清中清者榮養於神濁中濁者堅強骨髓辛甘發散為陽酸苦湧泄為陰氣為陽氣厚為陽中之陽氣薄為陽中之陰氣薄則發泄氣厚則發熱味為陰味厚為陰中之陰味薄

為陰中之陽味薄則通味厚則泄升降浮沉之理胸中豁然貫通矣人徒知藥之神者乃藥之力也殊不知乃用藥者之力也人人徒知辨真偽識藥之為難而不知分陰陽識藥性之為尤難也

用藥陰陽法象

天有陰陽 風寒暑濕燥火三陰三陽上奉之溫涼寒熱四氣是也溫熱者天之陽也寒涼者天之陰也此乃天之陰陽也地有陰陽 金木水火土長生化收藏下應之辛甘淡酸苦五味是也辛甘淡者地之陽也酸苦鹹者地之陰也此乃地之陰陽也

陰中有陽陽中有陰

平旦至日中天之陽陽中之陽也

日中至黃昏天之陽陽中之陰也

合夜至鷄鳴天之陰陰中之陰也

鷄鳴至平旦天之陰陰中之陽也

人身亦有陰陽以應之外為陽內為陰背為腹為陰臟為陰腑為陽心肝脾肺腎五臟為陰胆胃大腸小腸膀胱三焦六腑為陽也

背為陽

陽中之陽心也

背為陽

陽中之陰肺也

腹為陰

陰中之陰腎也

腹為陰

陰中之陽肝也

腹為陰

陰中之至陰脾也

此陰陽表裡內外相輸應也

古人服藥有法

病在上者不厭煩而少服

病在下者則頻服而多

病在上先食而後藥

病在下先藥而後食

腎足少陰。味苦補。鹹瀉。氣寒補。熱瀉。

膀胱足太陽。東垣引經。

太陽川芎。陽明白芷。少陽柴胡。

太陰蒼朮。少陰細辛。厥陰吳茱萸。

引諸經報使歌。

小腸膀胱屬大陽。本氣活是本鄉。三焦膽與肝胞絡。少陽厥陰柴胡強。陽明大腸兼足胃。葛根白芷升麻當。太陰肺脈中焦起。白芷升麻葱白良。脾經少與肺經異。升麻白芍細推詳。少陰心經獨活主。腎經獨活加桂枝。良通經用此藥。為使更有何病到膏肓。

瀉諸經火邪用藥例。

黃連麥冬瀉心火。梔子黃芩瀉肺火。

白芍生羊瀉脾火。柴胡黃連瀉肝膽火。

知母黃柏瀉腎火。木通赤茯苓瀉小腸火。

黃芩連翹瀉大腸火。柴胡黃芩瀉三焦火。

黃柏瀉膀胱火。

散諸經寒邪用藥例。

桂心當歸散心寒。麻黃乾姜瀉肺寒。

吳茱萸乾姜散脾胃之寒。吳茱萸當歸散肝寒。

生薑川芎散膽寒。細辛黑附子散腎寒。

茴香玄胡散小腸寒。白芷秦艽散大腸寒。

黑附子川芎散三焦寒。麻黃桂枝散膀胱寒。

黑附子川芎散心胞絡之寒。

治諸經頭痛要藥

少陽頭痛用柴胡

往來寒熱是也

太陽頭痛用羌活

惡風寒是也

陽明頭痛用白芷

自汗發熱是也

太陰頭痛用半夏蒼朮

痰實體重腹痛是也

少陰頭痛用細辛

陰陽不行手足寒厥是也

厥陰頭痛用川芎芍藥

入虛頭痛用黃芪當歸

巔頂痛用藁本

眉棱痛用白芷羌活

隨症用藥凡例

凡頭角痛須用川芎

如不愈加引經藥導之

血枯亦用川芎

遍身肢節痛用羌活

風濕亦用羌活

腹中痛須用白芍藥厚朴

惡寒痛加桂惡熱痛加黃芩

腹脹須用姜製厚朴

氣虛腹痛少芍藥甘草為君當歸白朮為佐見血先後

以三焦熱論用藥

臍下痛須用黃柏青皮

十書無黃柏

心下痛須用吳茱萸

胃脘痛須用草豆蔻

飲水多致傷脾痛用白朮猪苓茯苓

脇下痛須用柴胡

日晡潮熱寒熱往來亦用柴胡

莖中痛須用生甘草梢

氣刺痛須用枳殼

者何部分以引經藥道之使氣行則愈

血刺痛須用當歸。詳病上下用分根稍

心下痞須用枳實黃連

宿食不消亦用枳實黃連

腹中寒須用蒼朮

腹中實熱或積滯不消用大黃芒硝利之

胃中寒痰痞用去白陳皮

活血和血須用當歸

凡血受病者皆用當歸

補血須用川芎

一本用甘草無川芎

調血須用玄胡

破血須用桃仁紅花蘇木

補元氣須用人參

調諸氣須用木香

破滯氣須用只壳青皮

枳殼損胃中至高之氣青皮瀉人元氣不宜多服

肌表熱須用黃芩

去痰亦用黃芩

去痰須用半夏

熱痰加黃芩

去風痰須用南星

去胃中痰須用白朮

諸虛熱須用黃芪

盜汗亦用黃芪

驚悸恍惚用茯神

脾胃受濕沉困無力怠惰好卧須用白朮

上焦濕熱須用黃芩

瀉肺火也

中焦濕與痛須用黃連

瀉心火也

下焦濕腫并痛及膀胱有火邪者必須用酒洗漢防已草
龍膽為君黃柏甘草為佐或加知母

煩渴須用白朮茯苓

禁半下

胃中煩熱須用梔子
凡嗽用五味子有痰者以半下為佐喘者以阿膠為佐有
熱無痰以黃芩為佐但分兩多少不同尔
嗽有毒無痰者須用生薑杏仁防風
咳有毒有痰者須用半下只壳防風
喘者須用阿膠天門冬麥門冬

諸水泄瀉須用白朮白茯苓為君以甘草芍藥為佐或加

澤瀉

諸痢疾須用當歸芍藥

上部見血須用防風

中部見血須用黃連

下部見血須用地榆

痔漏以防風蒼朮為君甘草芍藥為佐詳別症加減

小便不利或黃以黃相知母為君茯苓澤瀉為佐

眼久病昏暗痛須用熟地黃當歸為君羌活防風為臣甘

草菊花細辛之類為佐

十書用歸尾黃連浸酒為君

傷風須用防風為君白朮甘草之類為佐

經云辛甘發散為陽風宜辛散防風味辛及治風通用故
防風為君

傷寒須用甘草為君防風白朮為佐是宜甘發也或有別
症於前隨症用藥條下選用分兩以君臣論

諸風須用防風為君或天麻隨症用藥為佐
諸瘡痛須用黃柏為君或知母為君連翹黃芩為佐

凡諸瘡以黃連當歸為君甘草黃芩為佐
痲疾須用柴胡為君隨所發之時所屬經絡部分各以引

經藥導之
攻尅血積癥瘕諸藥

玄胡索 三稜 蓬朮 川芎 歸尾

雷丸 神曲 白芷 桃仁 續隨子

射香 蝟虫 水蛭 乾漆 木香

通草 海螵蛸 牛膝 山查 大黃

瞿麥 射干 麥芽 水銀 礞砂

攻尅諸積藥例
肉積 礞砂 阿魏 巴豆

甚者信石
酒積 乾葛 神曲 麥芽

甚者甘遂牽牛
血積 歸尾 桃仁 紅花 紅木

甚者水蛭蝟虫
氣積 木香 女郎 沉香 核香

甚者水蛭蝟虫

盛者枳壳牽牛

水積

牽牛

澤瀉

猪苓

郁李仁

盛者羌花甘遂大戟

涎積

雄黃

膩粉

盛者瓜蒂甘遂

食積

沙仁

香附

青皮

盛者礞石巴豆

痰積

半夏

南星

竹瀝

盛者礞石瓜蒂藜蘆

癖積

三稜

莪朮

盛者甘遂錫稍

虫積

使君

雷丸

盛者苦棟白皮

孕婦忌用諸藥

乾漆蟹甲爪地膽茅根莫用好
藥有十八相反
甘草反 大戟 羌花 甘遂 海藻
烏頭反 半夏 括蘂 貝母 白蘞
白芩
藜蘆反 人參 玄參 丹參 沙參
苦參 細辛 芍藥

藥九十九畏

硫黃原是火之精朴硝一見便相爭水銀莫與硫相見狼毒最
怕密佗僧巴豆性烈最為尚偏與牽牛不順犀人參又忌五靈

脂官桂善能調冷氣若遇石脂便見欺大凡脩合者逆順炮熅

炙燂要精微

寒

諸藥識性此類最寒犀角解乎心熱羚羊清於肺肝澤瀉利水
通淋而補陰不足海藻散癭破氣而治疝何難菊蕊能明目而
清頭風射干療咽閉而消癭疝葶藶理脚氣而消風濕藕節消
痰血而止吐衄瓜蒌子下氣潤肺喘吁又且寬中車前子止瀉
利水便考尤能明目是以黃柏瘡用薤冬嗽醫地骨皮有退熱
除蒸之功薄荷葉宜消風清腫之用寬中下氣枳殼緩而只實
速也療肌解表乾葛先而柴胡次百部治肺熱咳嗽可止扼子
黃疸而利水瞿麥治熱淋之有血朴硝通大腸破血而吐痰癰
石交墜頭疼解肌而消煩渴前胡除內外之痰實滑石利六府
之澁結天門冬止嗽補血冷而潤肝心麥門冬清心解煩渴而
除肺熱又開治虛煩除噦嘔須用竹茹通秘結導痰血必資大
黃宣黃連治冷熱痢又厚腸胃而止瀉淫羊藿療風冷痺且補
陰而助陽茅根止血與吐衄石薺通淋杉小腸熟地黃補血且
療虛損生地黃宣血更醫眼瘡赤芍藥破血而療腹痛煩熱亦
解白芍藥補虛而生新血退熱尤良若乃消腫毒逐水於牽牛
除毒熱殺虫於管仲金鈴子治疾氣而補精血萱草根治五淋
而消乳癥側柏葉治血山崩漏之疾香附子理婦人血氣之用
地膚子利膀胱可洗皮膚之熱山豆根解毒能止咽喉之痛白

薛皮去風治筋弱而瘵足頑痺旋覆花明目清頭風而消痰嗽
壅又况荆芥穗清頭目便血風疔之用瓜蒌根療黃疸毒癰消
渴解痰之憂地榆治崩漏止血上痢昆布破疝氣散癭散瘰癧
傷寒解虛煩淡竹葉之功倍除結氣破瘀血牡丹皮之用周知
母止嗽而骨蒸退牡蠣滋精而虛汗收貝母清痰止咳嗽而心
膽枯梗下氣利胸膈而治咽喉黃芩止諸熱而治五淋視花治
腸風亦醫痔痢常山理痰結而治瘟瘧葶力瀉肺喘而通水氣
此六十種藥性之寒又當攷圖以博其所治觀參所用其庶幾
矣

熱

藥有溫熱又當審詳欲溫中以薑發欲發散以生薑五味子主
頭續斷治崩漏安胎益筋強脚麻黃表寒而瘵咳嗽韭子助陽
而醫白濁川烏破積有消痰治風之功天雄散寒有去濕助精
陽之力川椒達下乾姜煖中葫芦巴治虛冷之亦氣生菴柏破
癥瘕而血通白朮消痰溫胃而止吐瀉菖蒲開心氣更治耳聾
丁香快脾胃而止吐逆良姜止冷氣之攻冲肉菴蓉益腎填精
胡椒止胃寒之痰吐吳茱萸治心血之冷氣石硫黃煖胃冷而
歐蛭散腎冷助脾胃真用畢澄茄療心疾破積聚乃用蓬莪朮
縮砂止吐瀉安胎化酒食之劑附子治虛寒翻胃壯元陽之助
肉豆蔻治冷瀉療癰止痛於乳香紅豆蔻止吐酸消血殺虫於
乾漆鹿茸主精血腰足崩漏之均補虎脛理脚膝筋骨毒風之
可歐核香定心氣霍乱之痛減鹿角壯精髓腰脊之痛除消腫
益血於米醋下氣散寒於紫蘇扁豆助脾酒有行藥破血之用

射香開竅葱有通中發汗之功靈脂治崩漏理血氣之刺痛血
竭止血出療金瘡之傷折藥茸壯陽而助腎當歸補虛而養血
賊魚骨止崩漏帶下且除目翳鹿角膠主崩漏而補虛羸癆絕
白花蛇治癰疽除風痒之類疹烏梢蛇療不仁去腐瘍之風熱
又曰川烏藥治冷氣之理禹餘糧療崩漏之因巴豆利痰水能
破積結獨活治諸風不論久新山茱萸治頭暈遺精之藥白石
美醫吐膿咳嗽之人厚脾胃去嘔彭清痰之用肉桂行血氣療
心冷止汗如神鯽魚有溫胃之功代赭石填肝之劑沉香補腎
定霍亂之心痛橘皮道通氣去嘔痰而開胃此六十種藥性之
熱宜參詳而誦記也

溫

百煉脾勝溫羅當消彭脹制麴尤堪且夫鍾乳補肺氣專療腎
虛青益治腹疼且滋腎水山藥而腰濕能治阿交而痢嗽皆止
赤石脂治精濁而止渴蕪補崩中陽起石煖子宮而壯陽更醫
陰萎紫苑治嗽防風却風蒼耳子透腦風止威靈仙宣風氣通
細辛去頭風止嗽而療齒黃艾葉治崩漏煖子宮而醫痢紅菴
活明目毆風而除筋挛白芷止崩治腫而療癰癰紅藍花通經
治腹中惡血之痛劉寄奴破血治湯火金瘡之毒滅風濕之痛
則茵芋葉治打傷之症則骨碎補藿香葉辟惡氣而定霍草果
仁溫脾胃而止嘔吐巴戟治陰疝白濁補腎尤滋玄胡理痛血
凝諸經有助欵冬花潤肺去痰嗽而定喘白豆蔻寬膈止胃翻
而助脾撫芎走經絡之痛首烏治疥癩之資姜黃能下氣破惡
血滯防已消水腫去風淫痺藥本除風主婦人陰痛之腫仙茅

益腎補元氣虛弱之衰破故帝溫腎補精髓與勞傷宜木瓜入
肝療脚氣并水腫杏仁調秘結止嗽之劑回香理氣腎疼之
用阿子生津止嗽療滑泄之病秦苳攻風逐水除肢節之腫按
柳豁痰而逐水殺寸白虫杜仲益腎填精去腰膝重紫石英治
驚悸崩中之疾橘核仁治腰痛亦氣之充金櫻子号滋遺精紫
蘇子号下氣涎淡豆豉發傷寒之表大小薊除諸血之鮮益智
安神主小便之頻數麻仁潤胃利六腑之燥堅黃芪補虛弱療
瘡膿狗脊壯腰膝強筋骨兔絲子補腎以明目馬蘭花治疝而
有益此五十種藥性之溫更宜潛心而默識也

平

再詳藥品平和性存以礪砒而去積用龍齒以安竟青皮快膈
麻主濕痺而散風甘草和諸藥而解藥毒蓋以性平石斛平胃
氣而補腎蓋更醫脚弱商陸治腫覆盆子精琥珀安神而散血
硃砂鎮心而有灵牛膝補精強足蕪療脚痛龍骨止汗除濕更
治血崩芩蘼逐骨節之寒濕蒺藜治風鳴而明目人參潤肺寧
心開脾助胃蒲黃止崩治衄消痰調經南星醒脾去驚風痰吐
之憂三稜破積除血塊氣彭之症沒石主泄瀉之困皂角治
風痰之惡病桑螵蛸療精氣之泄鴨頭血醫風腫之盛蛤蚧治
勞嗽牛旁子散風壅之病全蝎主風癱酸束仁去怔忡之病桑
寄生安胎益血且止腰疼大腹子除彭下氣亦令胃和小草遠
志乃有寧志之妙木通猪苓尤為利水之多蓮肉有清心醒脾
之用沒藥在治瘡散血之科郁李仁宣水去浮腫之病茯神寧

心除驚悸之病白茯苓補虛勞多在心脾之有準赤茯苓破結
氣通利水道以無過麥蘖有助脾化食之功小麥有收汗養心
之力白附子去面風之遊走大腹皮治水腫之殷溢椿根白皮
主瀉血桑根白皮主喘息神曲健脾胃五加皮堅筋骨以力
行桃仁破血治腰痛栝子仁養心脾而有益安息香碎熨且止
心腹之痛冬瓜仁醒脾當為飲食之資生姜治風喉閉百合欬
肺勞而嗽痿赤小豆解熱毒癰腫宜用枇杷葉下氣噦嘔可醫
連翹排膿而消腫石楠葉療腳氣之拘牽谷藥養脾阿魏除脾
氣而破積河車補血大棗和藥性而開脾驚甲主癥瘕又治勞
瘡龜甲堅筋骨更醫崩漏烏梅主便血瘡痢之用竹瀝治中氣
失音之疾此六十六種平和之藥更當參後集而究其詳悉歟

新刊金匱藥性要略大全卷之二

○草木花卉部

人參

潤肺寧心開脾助胃止渴生津液和中益元氣肺寒則可服
肺熱還傷肺

治脾肺陽氣不足補肺益氣養氣促氣短氣少緩中安精神
定寃寃止驚悸扶正氣除邪氣明目開心益志令人不忘
湯液云甘溫調中益氣是也若便言補肺而不論陰陽寒熱
何氣不足而槩用之則悞矣若肺受寒邪宜此補之肺受火
邪不宜用也蓋肺為天為清肅之臟貴涼而不貴熱若肺傷
熱則宜以沙參代之
氣脈不足是亡血也人參補之非升麻為引不能補上升之

氣若補下焦元氣瀉胸中火邪必以茯苓為之使也
丹溪云入手太陰經而能補陰火

味甘氣平無毒十書云溫微苦微寒升也陽中微陰也茯苓為之使反藜蘆惡鹵鹹生上黨如人形有精神潤澤照見通明結實者良去芦用和細辛收貯密封之則不蛀

黃芪

溫分肉而實腠理益元氣而補三焦內托陰症之瘡傷外固表虛之盜汗補虛弱療瘡膿消癰腫

伊訓曰治虛勞自汗瀉肺中火補肺氣益胃氣補五臟諸虛不足補丈夫虛損五勞羸瘦腹痛瀉痢瀉陰火去虛熱無汗則發之有汗則止之去肌熱內托陰症之瘡瘍主癰疽排膿

上補家大風瀉而等黃鼠膠補小兒百病女人截風邪氣

黃芪味苦者有宿根也能瘦人不可用

東垣云黃芪人參甘草三味退熱之聖藥也又云補腎臟元氣是上中下內外三焦之藥

味甘氣溫無毒陽也入手少陰心經足太陰脾經少陰命門諸經之藥思龜甲鱉甲白蘚皮柔軟微黃中白者佳治瘡生用補虛蜜水炒用

甘草

生則分身稍而瀉火炙則健脾胃而和中解百毒而有効協諸藥而無爭以其甘能緩急諸藥之寒熱而使之不烈故有國老之名

主五臟六腑寒熱堅筋骨長肌肉倍力溫中瘳短氣咳嗽止

渴治金瘡

象先云生用大能瀉熱炙之則溫能補上中下三焦元氣
內經云甘者令人中滿則非治中滿之藥也腹脹中滿者禁
服甘草炙之散表寒除邪熱去咽痛寒熱皆用之

或問附子理中調胃承氣皆用恐是調和之意答曰附子理
中用甘草恐其臂上也調胃承氣用甘草恐其速下也非和
也皆緩也小柴胡有柴胡黃芩之寒人參半夏之溫用甘草
則有調和之意

味甘氣平無毒生之則寒熟之則溫入足太陰脾少陰腎厥
陰肝三經凡用去皮白木苦參乾漆為之使惡遠志反大戟
芫花甘遂海藻忌宿肉菘菜一本反遠志

夫後若平味甘五味甘之用若直行而為平黃行而為後東而
收斂止而軟堅甘上行而發如何本草言氣蓋甘有升降
浮沉兼上下內外和緩補瀉居中之道盡矣

山藥臣

主補中益氣力除煩熱強陰治頭面遊風頭風眩下氣充
五臟長肌肉久服明目輕身延年潤皮毛之枯燥鎮心安寃
開心補心令人不忘以其涼而能補也

珠囊云治傷中補虛勞羸瘦除寒熱治腰痛去濕。註曰味
甘苦氣溫平無毒入手太陰肺經天麥門冬紫芝為之使惡
甘遂日乾生用刮去黑皮淮慶者佳

白扁豆臣

主助脾和下氣治霍亂嘔吐瀉痢

味甘氣微溫熱無毒制一切草木及酒毒五六月收炒入藥

○有黑白二種白者溫而黑者微冷入藥當用白者
花主女人赤白帶下乾為末米飲調服

芡實

益精治白濁補腎之真元治痺止腸風瀉血赤白痢止女人
崩中帶下止腰疼輕身長志

味甘氣平無毒陰乾去壳用生者有力

茯苓

利竅除濕益氣和中小便多而能止大便結而能通心驚悸
而能保津液少而能進白者入壬癸赤者入丙丁

經云開胸膈消水腫安胎治淋瀝伐腎邪長陰益氣力久服
安神養魂不飢延年

血利水道

象生云服多者大損人真氣

十書云白者入肺膽膀胱赤者入脾又云入膀胱腎經之劑
丹溪云淡能利竅甘以助陽除濕之聖藥也利腰間血及小
便黃赤者若小便自利或數者服多則大損人目若汗多之
人服多則損真氣以其利小便之過也

味甘淡氣溫平無毒降也陽中陰也惡白藜畏牡蒙地榆雄
黃秦芫龜甲忌醋及酸物得松之餘氣而成採取陰乾去皮
用中有赤筋最損目又云赤瀉白補古無是說

茯苓

辟不祥養精神定心氣補虛勞

珠囊云寧心益志令人不忘

經云治風眩風震五勞口乾止驚悸志怒健忘開心益志安
寃鬼養精神

十書云治心下急痛堅滿利小便

味甘氣平無毒去木用。即茯苓抱根而生者每生處止一
二枚若茯苓所生處多至三四十斤矣

白木君

利水道有除濕之功強脾胃有進食之効佐黃芩有安胎之
能君枳實有消痞之妙

經云消痰溫胃而止吐瀉炒則補脾生則除胃中火與黃芪
人參同用能補氣有動氣者不宜服

象先云和中益氣利腰膝間血去諸經之濕散一切風
利水道之劑如何本草言益津液候矣

味甘氣溫無毒又云苦甘可升可降降陽也入手太陰肺少
陰心足陽明胃太陰脾少陰腎厥陰肝諸經之劑也防風地
榆為之使入藥生用又云米泔浸一二時刮去皮土炒用忌
桃李雀鴿蛤及菘菜青魚等物

七潭云不必泔浸煖胃炒用其餘皆生用可也

蒼木

珠囊云補中除濕力不及白寬中發汗功過於白主治與白
木同。賦曰治目盲燥脾勝濕

東垣云健胃安脾

海藏云蒼白有止汗發汗之異

本草言不分蒼白其蒼木別其雄壯之氣以其經泔浸火炒

故能出汗與白朮止特異耳用不可以此代彼

沙參臣

經云治血積驚氣除寒熱補中益肺氣

湯液云療脾胃心腹痛結熱邪氣頭痛去皮間邪熱安五臟肺受寒邪宜人參肺受火邪宜沙參

東垣云人參補五臟之陽沙參補五臟之陰安得不異乎

海藏云易老取沙參代人參取其甘也若微苦則補陰甘則補陽經雖云補五臟必須各用本臟藥為佐使引之則可

葛洪云主卒得諸疝小腹及陰中相引痛如絞自汗出欲死者細末酒調方寸匕立差須要真者

日華子云治惡瘡疥癬及身痒排膿消腫毒

治結熱毒癰清利咽喉消瘰癧邪氣敗無根之火乃聖藥也

湯液云少陰腎經之君藥治暴結熱

朱氏云主熱風喉痛止健忘消腫毒

東垣云治傷寒勞復止煩渴散頸下核及癰腫

日華子云療心腹熱痛堅癥補腎令人目明

味苦鹹性微寒無毒惡黃芪乾姜大棗山茱萸反藜蘆三四月採根晒乾凡採時用蒲葦重重相隔奉熟日乾勿犯銅鐵之噓人喉喪人目即山芝麻也

苦參 一名地槐

攻腸風消癰毒瘡腫殺疥虫破癥結及脚膝人面瘡經云主

心腹結氣癥瘕積聚黃疸溺有遺瀝逐水除癰腫補中明目

止淚養肝膽氣安五臟定志益精

伊訓曰除伏熱腸辟止渴醒酒利小便

丹溪云平胃氣令人嗜食治熱毒及腸風瀉血利九竅療惡

瘡下部蠶

味苦氣寒無毒玄參為之使惡貝母克絲黎芳入湯飲多

入丸散

貝母臣

清痰止咳嗽利心膽

經云主煩淋瀝疝瘕痺乳難金瘡心腹結滿惡風寒項直

咳嗽上氣止煩熱渴出汗安五臟利骨節散胸中鬱結之氣

殊有功治瘧熱產難

註云味辛苦氣平微寒無毒葶藶白欬為之使惡桃花畏秦

治頸下癭瘰癧用為末可治人面瘡

雷公云凡用先於柳木灰中令黃擘破去內口鼻其有獨

顆不分瓣無皺者號曰丹龍睛不入藥慢服令人筋脈永不

收當用黃精小藍汁合服立愈

知母

瀉腎火補腎水賦曰止嗽退骨蒸截瘧

珠囊云瀉無根之腎火療有汗之骨蒸止虛勞之陽勝滋化

源之陰生

東垣云主消渴熱中除邪氣肢體浮腫補中益氣治傷寒久

瘵煩熱久服令人洩治熱勞傳尸通小腸消痰止嗽潤心肺

補虛之安心止驚悸仲景白虛湯中用此治不得眠之煩燥

煩屬肺燥屬腎以石膠為君佐以知母之苦寒以清胃之源

緩以甘草粳米之甘而使之不速下也

味苦辛性寒無毒沉也陰中陰也入足太陰少陰腎肺二經

○十書云入肺腎胃二經勿犯鉄犯之損腎若行上頸酒炒用

黃栢

瀉下焦隱伏之龍火安上出虛熾之蛇虫臍下痛單製而能除腎不足生用而能補

治痿厥除濕除五臟結熱治諸瘡補腎水降陰火清小便止

瀉痢及治女人漏下赤白

經曰治腎水膀胱不足諸痿厥脚膝無力瀉膀胱經火補膀胱及腎不足去五臟腸胃中結熱黃疸腸僻痔泄女子漏下

湯液云足少陰之劑腎苦燥故腎停濕也梔子黃芩入肺黃連入心黃栢入腎燥濕所歸各從其類也○味苦微辛氣寒

無毒入足少陰腎經之劑又為足太陽膀胱引經之藥惡乾漆肉厚鮮黃出川地者佳生蜜水浸日乾再用蜜水塗漫火

炙令蜜盡若用之於上則用酒拌炒恐其過於涼也其川栢皮有千層如帛剉時細碎不成片者佳

黃連臣

瀉心火消心下痞滿之疾除腸癖去腸中混雜之紅治目疾

暴發之痛療瘡瘍首尾俱同

賦曰治冷熱痢厚腸胃而止瀉酒炒上行酒浸上行頭角姜

汁炒辛散衝熱有功止驚癇益膽氣

伊尹曰苦燥故入心乃火就燥也然曰瀉心其實瀉肝也子
令母實也則瀉其子治血防風為上使黃連為中使地榆為
下使

衍義云治痢有微血不可熱以黃連為苦燥之劑虛者多致
危困實者宜用之

十書云瀉心火治脾胃中濕熱及鬱熱在中焦惡心欲吐心
下痞滿必用之藥也療下焦虛腎治火眼暴赤腫痛及諸
瘡熱氣目痛皆傷淚出明目腸癰腹痛下痢女人陰中腫痛
五臟冷熱又下泄澀膿血止消渴大驚調胃厚腸益胆療口
瘡

湯液云治一切風破宿血養新血及脉血

味苦性寒無毒入手少陰心經黃連龍骨為之使惡瘡花
花玄參畏欬冬勝烏頭解巴豆毒惡猪肉忌飲冷水 〇又
忌白蘚皮姜蚕

胡黃連

治勞熱骨蒸及小兒驚癇疳痢

本經云主久痢成疳治傷寒咳嗽溫瘧骨蒸理腰腎去陰汗

小兒驚癇寒熱不下食霍亂下痢

伊訓曰治骨蒸勞熱補肝膽明目治冷熱瀉痢益顏色厚腸
胃治小兒盜汗潮熱往來

金櫃云療女人胎蒸虛驚及三消病大人五心煩熱味苦氣

平寒又云大寒無毒惡菊花玄參白蘚皮解巴豆毒忌與猪
肉同用令人泄精。似枯楊柳枝外黃內黑拆之塵起如烟

者為真

乳汁浸點目良

黃芩臣

中枯而飄者名宿芩又名片芩消肺火消痰利氣酒炒上行
細實而堅者名子芩又名實芩瀉大腸火養陰退陽實除
濕留熱於肌表子芩滋化源退熱於膀胱。退諸熱治五淋
安胎之聖藥也

湯液云上部積血非此不能除又云色深堅實者治奔豚臍
下熱痛其飄與實高下之分耳得厚朴黃連治腹中熱痛得
五味子牡蒙牡蠣令人有子得黃芪白藜赤小豆療鼠瘻主
諸熱黃疸腸痔洩痢治瘰癧

小腸治女子淋露下血小兒腹痛治奔豚臍下熱痛

味苦平寒無毒可升可降陰也入手太陰肺經山茱萸龍骨
為之使思葱實畏丹砂牡丹黎芦去腐爛入藥

黃芩一名木丹 一名越桃

治心中懊懣顛倒不眠理臍下血滯及小便不利瀉肺經火
清胃脘之熱涼心腎止鼻衄止渴除煩燥察目中熱瀉除心
胸大小腸之大熱止心中煩悶

十書云止渴去心中懊懣煩燥走至高之分本草不言吐仲
景用此為吐藥梔子本非吐藥為邪氣在上拒而不納食令
上吐邪因得以出矣或用梔子利小便實非利小便乃清肺
也肺氣清而化生津液膀胱為津液之腑小便得此氣化而
出也

李杲明先生用梔子仁去心胸熱用梔子皮去肌表之熱
湯液云傷寒汗下吐後胃中實熱既亡又亡津液臟腑無潤
養內生虛熱非此不除

味苦性大寒氣薄無毒入手太陰肺經

易老云輕飄象肺色赤象火沉也陰也七稜九稜者良效用

丹參 臣 一名奔馬草

主治心腹邪氣腸鳴幽也如走水散寒熱積聚破癥瘕止煩
滿益氣養血去結氣強腰脊治脚痺除風邪留熱

易老云治脚弱痛痺腹痛有氣作声

註云味苦微寒無毒

紫參 使

血脈中聚血癰腫諸瘡止消益精。以其味苦能散瘀血

治心腹堅脹及女人血閉

味苦辛氣寒無毒畏辛蕘葉似牡蒙又似羊蹄紫花青穗皮

紫黑色肉紅白色肉淺皮深處處有之俗呼為牡蒙實非牡

蒙乃王孫草也

天門冬 君

保肺氣除熱定喘促止咳補血潤肝心退虛熱寒多泄者禁
服氣喘促者加人參黃芪服之

經云養肌膚益氣力強骨髓利小便鎮心潤五臟補五勞七

傷理肺氣治嗽消痰去風濕痺殺三虫冷而能補又服延年

多子能行步

東垣云治心肺虛熱虛勞。苦以泄血甘以助元氣及治血

妄行此天門冬之功也。麥冬地黃麻仁阿膠潤經益血復

脉通心。二門冬五味子枸杞同為生脉之劑。

味苦甘平性大寒無毒升也陰也入手太陰肺足少陰腎地黃貝母為之使畏曾青凡用去心忌鯉魚。

麥門冬

退肺中隱伏之火生肺中不足之金止燥渴而養陰補虛勞而除熱。

賦曰清心解煩渴而除肺熱。

東垣云調中保神定肺氣安五臟補心氣不足補肺中元氣理心腹結氣傷中傷飽胃絡脉絕羸瘦短氣身重目黃虛勞寒熱口乾燥渴止嘔吐療痿癱強陰血精令人肥健美顏色

索古曰治血妄行補心氣之不足。

味微苦甘平性寒無毒降也陽中陰也入手太陰地黃車前為之使惡藜冬苦瓠畏苦參葶子陰乾肥大者佳去心入藥否則令人煩。

生地黃

涼心火之血熱瀉脾土之濕熱止鼻中之衄熱除五心之煩熱也。

賦曰宣血更治眼痛蓋能涼血也。

金櫃云涼血生血補腎水真陰不足治女人崩血不止產後血上攻心悶絕傷身胎動下血胎不落及墮墜腕拆瘀血留血衄血吐血皆搗汁飲之亦治便血溺血治五心煩熱益腎

水而治血脈洪實者宜服

湯液云並治諸經血熱之劑此藥大寒須斟酌用之恐損胃氣也

味甘苦性大寒無毒沉也陰也入手太陰少陰二經得麥冬天冬清酒良惡貝母畏蕪荑忌犯鉄令人腎消忌食蘿卜令人髮白凡用地黃熟則温補生則平宣醫家依此用之採取生時水試之浮者為天黃半沉半浮者為人黃沉者為地黃力佳入黃次之天黃力劣尔

熟地黃 唐

活血氣封填骨髓滋腎水補益真陰治傷寒脛股之最痛療新產後臍腹之難禁

秘要云折跌絕筋傷中逐血長肌肉填骨髓陰寒熱積聚除痺治五勞七傷女子傷中胎漏下血破瘀血濁血利大小腸補五臟內傷不足通血脈益氣力清耳目脉虛者宜熟地黃補腎中元氣

機要云臍下痛者腎經也非熟地黃不能除補腎益陰之劑劑宜丸加當歸為補髓

象先云假酒力則微温大補血衰者必用之藥善黑鬚髮東垣云生則性大寒而凉血熟則性寒而補腎

味苦甘性平寒酒蒸則微温無毒沉也陰也入手少陰手少陰二經又入手足厥陰二經得麥冬尤良畏忌與生地黃同本同一種陰乾者為生酒拌蒸九次令黑潤者為熟也。一名生熟葉

其用有四頭止血而上行身養血而中守稍破血而下流全活血而不走

賦曰補虛而養血。當歸治血通用之藥除血刺痛補五臟生肌温中止痛

陳藏器云辛温以潤內寒苦以助心散寒療虛勞寒熱煖腸胃止腹痛補虛冷治牙痛破瘀血敗宿血養新血止女人崩中瀝血腰痛涌下子宮不結實者用此補之

藥性云補女子諸不足東垣云斯言盡當歸之用矣

經云主咳逆上氣蓋當歸血藥如何治胸中之氣夫氣能引血血不能引氣不可信也明矣

諸經頭痛俱用細辛其酒蒸當歸又治頭痛諸痛皆屬木故以血藥主之

味辛甘氣温無毒可升可降陽也入手少陰心足太陰脾厥

陰肝三經反芎藭海藻畏生姜惡湿麵陰乾酒浸洗用。蓋全用同參芪皆能補血同大黃牽牛皆能破血從桂附則熱從大黃芒硝則寒

川芎

其用有二上行頭角止痛助清陽之氣下行血海調經養新

生之血 經云補血治血虛頭痛之聖藥散肝經之風主中風入腦頭

痛寒痺筋牽緩急治金瘡 秘要云治婦人血閉無子除腦中冷痛面上遊風淚出多涕

唾諸寒冷氣心腹堅痛除惡急腫痛脇風痛溫中除內寒治
吐血溺血破癥結宿血養新血非久服之藥能走散真氣
易老云上行頭目下行血海故四物湯必用也

衍義云治頭面風不可缺然非久服之劑凡中病即止

東垣云頭痛甚者加蔓荊子頂與腦痛加川芎苦頭痛者加
藁本諸經苦頭痛加細辛若有熱不能治別有清空之劑諸
經頭痛須用此四味

味辛氣溫無毒升也陽也入手厥陰胞絡足厥陰肝經乃少
陽本經之藥又云入手太陰心胞白芷為之使畏黃連形塊
重七結實黃色不油者良實大堅重內外俱白剉之成片者
西芎也不入藥

賦云走經絡之痛

味苦辛氣溫無毒

芎藭臣

去諸風明目止痛散風濕補血清頭

本草云主風入腦頭痛寒痺筋挛緩急金瘡女人血閉無子
陳藏器云除腦中冷痛及面上遊風來去目淚出多涕唾忽
忽如醉諸寒冷氣心腹堅痛中惡卒痛腫痛脇風痛溫中治
內寒

機要云白芷為之使治腰脚軟弱半身不遂治胎衣不出及
腹內冷痛

湯液云得細辛同療金瘡止痛得牡蠣治頭風吐逆

味辛氣溫無毒忌畏與川芎同本與川芎一種小者名芎藭

白芷為之使

白芷君

珠囊云去頭面皮膚之風除皮膚燥痒之痺止足陽明頭痛之邪為手太陰引經之劑

經云治手陽明頭痛中風寒熱解利藥也散陽明之風去肺熱頭痛侵目淚出長肌肉澤顏色可作面脂療風去面疔癩癩治心腹血刺痛及嘔逆明目止淚治女人瀝血腰痛破宿血補新血療痔漏乳癰發背排膿生肌止痛

味辛氣溫無毒升也陽也陽明經引經藥手陽明經本經藥行足陽明經當歸為之使惡旋覆花不蛀者良。處暑前後

治寒邪客於太陽經頭痛顛頂痛頭風腰痛及流風四肢治

一百六種惡風小兒癩疾主女疔瘕陰中寒腫痛清小便血及腹中急去皮膚疵疔黥長肌肉悅顏色可作沐藥面脂出粉刺及酒蘚與木香同辟霧露瘴氣

味苦辛性微溫無毒升也陰中陽也太陽小腸膀胱本經去風之藥為妙惡藺茹畏青箱子採根日乾用

細辛臣

止少陰合病之頭痛散三陽數變之風邪

賦曰去頭風止嗽療齒痛

經云主咳嗽逆頭痛腦動白節拘挛風濕痺痛死肌溫中下氣破痰利水道開胸中滯除喉閉龔鼻風益肝膽精氣明目

利九竅去口臭添膽氣去皮氣濕痒止眼中風淚除齒痛治
女人血閉血澀腰痛小兒顛癇

易老云治少陰頭痛頭風如有神又云治頭風不可缺

衍義云得歸芍正芍牡丹藥木甘草共奏婦人諸疾得決明
魚膽羊肝共治目痛

味辛性溫氣厚於味無毒陽也升也手少陰心引經之藥惡
狼毒山茱萸黃芪畏活石硝石反藜蘆出華陰者良陰乾忌
生菜單用末不可過半歲七氣塞而不通者死。獨活曾青
棗根為之使

杜蘅使一名馬蹄香

止氣奔喘促消痰破留治風寒咳逆香人才具

性除氣臭令人不忘得辛美細辛良

味辛性溫無毒一名馬蹄香葉似馬蹄根似細辛即馬蹄辛
也惡柴胡前

白芍藥臣

扶陽氣大除腹痛收陰氣陡健脾經胎能逐其血損其肝能
緩其中

賦曰補虛而生新血退熱尤良

本草云能利小便以腎主大小二便此藥益陰滋腎故小便
得通也

湯液云腹中虛痛脾經也非此不除補津液停濕之劑也

陳藏器云治時行寒熱中惡腹痛腰痛消癰腫主治邪氣止
中部腹痛除血痺破堅積寒熱疝瘕止痛利小便益氣通順

血脈緩中散惡血逐賊血去水氣利膀胱大小腸

丹溪云脾經之藥散濕及腹痛胃氣不通肺燥氣熱以其酸收甘緩下利必用之藥俗云白補赤瀉

衍義云補赤散瀉肝補脾胃酒浸行經止中部腹痛血虛。寒人禁服古云減芍藥以避中寒

東垣云澁者為上或問古今方中多以澁為收今本經有利便一句何也東垣云芍藥能停諸濕而益津液使小便自行本非通利之藥又問有緩中一句何為緩中東垣云損其肝者緩其中又問當用何藥以治之東垣云當用四物湯以其內有芍藥故也赤者利小便下氣白者止痛散氣大抵為收降之藥故能至血海九地之下循至厥陰經也

也芍藥平性寒有小毒入手足大陰脾肺二經可升可降陰也沒藥為藥雷丸為之使惡石斛畏硝石鱉甲小蘗交參有赤白二種白者止腹痛煩炒用又能散血治女人血閉赤者利小便下氣

赤芍藥

破血而療腹痛亦解煩熱。赤白二芍藥酒浸炒與白木同用則能補脾同川芎則能瀉肝同參芪則能補氣新產後不宜便服

味苦辛性寒有小毒伏忌與白木同二八月收取

桔梗臣

止咽痛除鼻塞利膈氣治肺癰一為諸藥之舟楫使諸藥不能下沉一為肺部之引經升藥氣行於至高之分下氣寬胸

之劑也

東垣云治痢破血去積氣消積聚痰涎氣促除腹中冷痛主胸脇痛如刀刺腹滿腸鳴驚悸瘵咽痛下蠱毒治肺氣奔促咳逆肺癰排膿

又曰和五臟補血。一曰止霍亂轉筋

湯液云如大黃苦泄峻下之藥欲引至胸中至高之分成功非此辛甘之劑不能升之

味苦辛性微温一云性平無毒升也陰中陽也入手太陰肺足少陰腎二經畏白芨龍眼龍胆草凡用去芫及兩畔腐枝米泔浸一宿烘乾用

為藥

理男婦一刃冷氣刺痛三三惡毒每生五午思氣百食下消天行瘦瘠勝勝氣攻冲皆管文人血氣小兒腹中諸虫十書云補中益氣專止小便滑數治霍亂反胃吐食瀉痢癰節疥癩又治猫犬百病

味辛氣温無毒入足陽明胃太陽膀胱少陰腎三經去土去皮用

新刊金櫃藥性要畧大全卷之二終

厚朴

其用有二苦能下氣去實滿而泄腹脹温能益氣除濕滿散
結調中

賦曰温脾胃去嘔膨清痰之劑

經曰治腹脹厚腸胃主中風傷寒頭痛寒執驚悸氣血痺死

肌去三虫治霍亂腹痛脹滿胃中冷胸中嘔不瀉痢淋露

十書云温中益氣又能消痰下氣果瀉氣乎果益氣乎與只

實同用能瀉實滿是消痰下氣也與陳皮蒼朮同用能除濕

滿是温中益氣也與解利導同用則治傷寒頭痛與痢藥同

用則厚腸胃各隨佐使大抵苦温之藥用苦則瀉用温則補

味苦辛性温無毒可升可降陰中陽也乾姜為之使惡澤瀉

寒水石硝石肉厚紫色者佳去粗皮姜汁炒用

陳皮

珠囊云留白者補胃和中去白者消痰泄氣

賦曰導逆氣去嘔痰開胃療霍亂止瀉去寸白虫

象先云能益氣加青皮減半去滯氣推陳致新

心法云有白木則補脾胃無白木則瀉脾然勿多用

機要云益氣利肺有甘草則補肺無甘草則瀉脾

味辛苦性温無毒可升可降陽中陰也陳久者良

又云大和脾胃去痰道通滯逆氣

青皮 一名狗橘

破滯氣愈低而愈効削堅積愈下而愈良引諸藥至厥陰之

賦曰快膈除臍利脾之劑

湯液云有滯氣則破滯氣無滯氣則損真氣

東垣云足厥陰肝經引經藥也治氣滯消食破積滯及膈氣

味苦辛性温又云寒無毒沉也陰也入手少陽三焦凡用去

穢熨炒用出河州

枳椇

珠囊云消心下痞塞之痰泄腹中壅滯之氣推胃中隔宿之

食削腹中連年之積

賦曰寬中下氣緩於枳木

扁鵲云專破至高之氣利胸中氣勝温化痰主風痺麻痺通

利關節治遍身風疹肌平如麻豆惡瘡痒勞氣咳軟背膊悶

倦散留結腎膈痰滯逐水消脹滿大腸風止風痛安胃枳椇

高主皮毛膏膈之病枳木低主心胃之病

金櫃云寬胃安胃消食泄肺氣止風痛

味苦酸辛性微寒無毒沉也陰也陰乾陳久者良去穢炒

入藥

枳實

消胃中之虛痞逐心下之停水化日久之稠痰削年深之堅

積

賦曰寬中下氣速於尺壳。除傷寒結胃痰癖。破積

結消痰

經云治心下痞痛散氣消宿食破水積主大風在皮膚中如

麻豆苦痒止麻長肌肉利五臟益氣除胸脇痰消脹滿痛逆

氣佐以天黃苦硝辛牛則能破氣此本經所以言益氣而又

言消痰泄氣也

東垣云非白朮不能去濕非枳實不能消痞只壳主高而只

實主下高者主氣下者主血主氣者在胃膈主血者在心腹

味苦辛性微寒無毒沉也陰也陳久者良水浸去穢剉碎

炒用

半夏使一各守田

經云消心腹胸膈痰執滿結咳嗽上氣心下急痛堅痞時氣

嘔逆消癰腫墮胎主傷寒上熱心下空下氣咽喉腫痛頰眩

胸脹咳逆腸鳴止汗療痿黃悅澤面目

十書云生令人吐熟令人下能勝脾之濕所以化痰渴者禁

服之

珠囊云除胃中濕治胃中寒化痰涎大和脾胃氣治太陰痰厥頭痛却一切風痰止嘔嗽逆及咽喉腫痛

藥性論云俗用為肺藥非也止吐為足陽明胃除痰為足太陰脾小柴胡中雖為止嘔亦助柴胡能止惡寒是又為足少陽膽經也又助黃芩能去熱是又為胃絡足陽明也往來寒熱在表之中用此有各半之意所以名半夏

孫思邈曰腎主五臟化為五濕自入為唾入肝為泣入脾為痰入肺為嗽有涎曰嗽無涎曰欬痰者因咳而動脾之濕也岐伯云半夏能泄痰之標不能泄痰之本者泄腎也咳無形痰有形無形則潤有形則燥所以為流濕潤燥也

味辛平生微寒熟溫有降也陽也入足陽明胃太陰脾少陽經也
烏頭陳久者良須用沸湯洗五七次令滑淨或用姜製不然戟人喉用此必須入生姜數片制其毒忌羊肉血飴糖海藻於五月夏至生故名半夏小滿前後及八月皆可採取

南星

墜中風不省之痰毒主破傷茹屍之身強

賦曰醒脾去驚風痰吐。主金瘡傷拆痰血取根搗敷傷處

治撲損痰血治蛇虫咬付疥癬毒瘡

朱氏云散血隨胎消腫下氣止腦疼怔忡

味苦辛平有毒可升可降陰中陽也畏附子生姜乾姜沸水泡七八次或炮用治与半夏同

菖菖

主癰腫風毒用醋摩敷腫上

味辛鹹有毒形苗葉皆似南星吳人取其根摩細用桐草灰製之可作腐食

前胡使

除內外之痰實治胸脇痞滿及傷寒七熱

經云主痰滿胸脇心腹結氣止嗽開胃下食下氣療支胃嘔逆氣喘霍亂

註云破癥結安胎通五臟去頭風

味甘辛微苦性涼無毒半復為之使惡皂莢畏黎芦

雷公云去芦去土細剉用甜竹瀝浸潤晒乾收用

柴胡

珠囊云主治兩傍脇下痛日晡潮熱往來生在臟調經內主

賦曰發肌解表次於乾葛

經云解肌熱去早晨潮熱去往來似瘧之寒熱去腸胃中結

氣飲食積聚寒熱和氣推陳致新除傷寒心下煩熱諸痰熱

結膏中大腸停積水脹及濕脾拘掣可作湯浴少陽厥陰行

經之藥也

湯液云在經主氣在臟主血佐以三稜廣茂巴豆之類能消

堅積是主血也女經適來適斷加以四物併秦艽牡丹之輩

為調經之劑能引胃氣上升苦寒以發表能引清氣上行陽

道善除陽明經頭痛

東垣云治傷寒邪熱此為最要之藥能引清氣上行陽道又

能引胃氣上升而行脊脊者也

衍義云柴胡本經並無一字治勞今人治勞鮮有不用者誤

世多矣須當審其虛實輕重斟酌用之日華子所謂味甘補五勞七傷除煩止驚益氣力者誤也藥性論亦云治勞乏羸瘦若此等病苟無實熱醫者取而用之不亡何待註釋本草藥性一字不可忽蓋貽後世之誤無窮也可不謹哉

味苦平性微寒無毒升也陰中之陽也少陽厥陰引藥也半夏為之使惡皂莢畏黎芦女苑若止是虛勞無實熱之人不宜多服

銀柴胡

解皮膚熱及骨蒸勞熱治暴赤痛火眼喉痺療大人小兒一切熱症瀉手少陰太陰足厥陰諸經火邪防風為之使得胡黃連良

發傷寒之表邪止胃虛之消渴解中酒之苛毒治往來之溫瘧

賦曰發肌解表出汗開腠理

經曰療傷寒中風頭痛治天行執氣嘔逆開胃下食解酒毒療金瘡止痛腸風痛葛根湯陽明自中風之仙藥若頭顱痛者不可服太陽經初病未入陽明者不可便服是引賊破家湯液云主治消渴身大熱嘔吐

味甘平性微寒無毒可升可降陽中陰也陽明引經之藥足陽明行經之藥

又云性浮輕無毒殺野葛巴豆毒及百藥毒五月採根日乾入土深者佳去皮用

生根汁寒治消渴傷寒壯熱起陰氣解諸毒

葛粉味甘大寒無毒去煩熱利大小便止渴解鳩鳥毒及丹

葉諸毒○葉療金瘡止血

升麻

珠囊云引葱白散手陽明之風邪引石交止足陽明之齒痛

引諸藥遊行四經升陽氣於至陰之下

賦曰消風熱腫毒發散瘡痍升提陽氣上行

經曰解百毒殺百鬼精和氣瘟瘴氣蠱毒入口皆吐出中

惡腹毒疔頭痛寒熱風腫喉痛口瘡能解肌肉間熱此手足

陽明經傷風之藥也併治小兒驚風

朱氏云衄血吐血者犀角地黃湯乃陽明經聖藥如無犀角

亦能走手足陽明太陰脾痺

亦能走手足陽明太陰脾痺米得升麻不能除又云發散本

經風邪

味甘苦性平微寒無毒陽明本經之藥亦走手陽明太陰二

經形輕而堅實青綠色者佳去腐爛黑皮用

麻黃

其用有二其形中虛散寒邪而發表其節中閉止盜汗而固

虛

賦曰表寒邪而瘵咳嗽

經云發太陽少陰經汗主中風傷寒無汗頭痛咳嗽上氣濕

瘵去邪熱除寒熱破癰疽堅積聚洩五臟遍身邪惡氣緩急

風脇痛字乳餘疾消赤黑斑毒治遍身毒風皮肉不仁不可
多服令人虛

碎金錄云壅發汗通九竅通腠理解肌逐毛孔皮膚風根節
又能止汗

東垣云手太陰肺經之劑桂枝為手少陰心經之劑故傷寒
傷風而嗽者用麻黃桂枝即湯液之源也

味苦甘性溫熱無毒升也陰中陽也手太陰肺經之劑入足
太陽走手少陰陽明經藥厚朴為之使惡辛美石常立秋採
陰乾令青陳久者良

雷公云凡用搗去節根先煮一二沸去上沫不則令人煩悶
提金云將熟醋湯畧浸片時撈起陰乾用庶免大發汗欲大

氣之薄者桂枝也氣之厚者肉桂也氣薄則發泄桂枝上行
而發表氣厚則發熱肉桂下行而補腎此天地親上親下之
道也

賦曰療腎冷止汗如神

經曰溫中和肝肺氣心腹寒熱冷痛霍亂轉筋頭腰痛止煩
止咳嗽鼻嚏能墮胎堅骨節通血脉宣通百藥無所畏其心
半卷多脂者單名桂入藥最良

味辛性熱有小毒浮也百藥無所畏畏辛木毒忌生葱凡
使刮去粗皮

筒桂 使一名筒桂

治百病養精神和顏色為諸藥先聘通使

味辛性溫熱無毒出交趾國此桂無骨正圓如筒故名筒桂
肉桂一名牡用

治上氣咳逆結氣喉痺吐吸心痛脇風脇痛溫經通脈止煩
出汗利關節補中益氣此桂味厚於氣
經云治奔豚氣能通血脈

味辛氣溫無毒

本草言桂有小毒亦從類化若与芩連為使小毒何施与烏
附為使只是得全熱性与人參麥冬甘草同用能調中益氣
若与巴豆礪砂乾漆川山甲水蛭蠶虫有毒之類同用則小
毒化為大毒其類化可知矣

仲景云湯液用桂枝發表用肉桂補腎其氣之清濁上下一
或問湯液發汗用桂枝補腎用肉桂小柴胡止云加桂何也
答曰肉桂大辛春夏禁用其治表寒當看時令故只云加桂
而已秋冬治下部腹痛非桂不能止也專治奔豚氣痛

桂心入手少陰是血藥也故經言通脈
七潭云氣行則血行但導其氣以血藥佐之其血自行矣
或問湯液發汗用桂枝補腎用肉桂小柴胡止云加桂何也
答曰肉桂大辛春夏禁用其治表寒當看時令故只云加桂
而已秋冬治下部腹痛非桂不能止也專治奔豚氣痛

殺草木毒專治九種心痛杀三虫破血通經及胎衣不下除
咳逆結氣壅痺止腹氣冷痛下痢鼻中息肉軟脚痺不仁
味苦辛性溫無毒桂心入手少陰心經桂枝入足太陽膀胱
桂心即桂枝也

桂花

紫蘇 味薄三等桂皆有花大小枝皆名桂枝即桂心也

下氣散寒治心腹脹止霍亂轉筋開胃下食併一切冷氣脚

氣通大小腸止嘔吐反胃消五膈止嗽潤心肺消痰氣治腰

脚中濕 味辛性熱無毒莖葉皆可用其莖降氣尤速

蘇子

治氣喘逆潤心肺消痰下氣涎調中止霍亂嘔吐吐血衄血

味辛甘性溫無毒凡用炒研入藥

玄胡索

活精血療產後之疾調月水治胎前之症

十書云治心氣痛小腹痛如神主破血產後諸疾因血為病者婦人月水不調腹中結塊崩漏淋露暴血冲心因損下血煖腰膝破癥瘕

味苦辛性溫無毒可 芘可降陰中陽也生癸國形如半夏色

黃如蠟凡用時須以益水拌炒入藥入手足太陰脾肺肺經

胡芎巴

治元氣虛冷及虛冷之疝氣○得附子硫黃治腎虛冷得回

香桃仁治膀胱冷氣 腹脇脹滿面色青黑此腎疝也

味苦氣溫純陽無毒云是番麥薺子春生苗夏結子至秋採

之

補骨脂 一名破故布

本經云主五勞七傷虛冷骨髓傷敗腎冷精流及婦人血氣

墮胎

伊訓云主男子腰痛膝冷憂溫逐諸冷痺止小便勤
又云溫腎補精髓与勞傷絕衰世遺精

金櫃云治冷勞明目煖腹具陽事入藥炒用

味苦辛氣大溫無毒惡甘草忌苕荳羊肉羊血

雷公云酒浸一宿用東流水洗淨文武火蒸半日晒乾入藥
骨碎補使一名猴孫姜

療打折傷損骨碎之症。主骨中毒風氣血寒痛五癆六極
口手不收上熱下冷又治惡瘡杀虫

味苦性溫無毒根椽樹上能補骨碎故名焉凡削去毛入藥

狗脊 一名金毛狗脊

象云治毒風軟脚溫痺補男女腎氣虛弱續筋骨及女人產後

中關節重痛

味苦甘平微溫無毒專為之使惡敗醬

雷公云細剉酒拌蒸從巳至申焙乾去毛用

兔絲子君

補腎明目專治男子虛寒腰膝冷痛補髓添精強陰器堅骨

秘要云主菴中寒精目出及餘瀝口苦燥渴寒血為積久服

明目輕身注顏止消渴

味辛甘氣平無毒得酒良

雷公云酒浸蒸熟杵爛作餅晒乾再研為末少入湯飲多入

丸散

胡麻子

補虛益氣長肌肉填骨髓延年益壽其効不能盡述

李師云明目耐飢堅筋骨療金瘡止痛及傷寒瘟疫大吐後

虛熱羸困卷五臟

味甘氣平無毒似巨勝子俗云三角胡麻四角勝

大麻子 一名麻仁

補中益氣潤胃利六腑之燥堅。治陽明汗多胃熱便難逐

水利小便破積瘕血脈及治女人產後餘疾

東垣云治大腸風熱結澁及熱淋長髮入沐藥

經云燥者潤之仲景以麻仁潤燥及通腸也又服令人肥健

味甘平無毒入手陽明大腸足太陽脾二經九月收取入土

者損人

灯及食用

筒麻子 一名筒麻

主赤白寒熱痢破癰腫

味苦甘性平無毒

白麻油 一名芝麻

治虛勞滑腸胃行風氣通血脉潤肌膚与乳母生食兒不發

客熱久食抽人肌肉生寒熱通大小腸治蛔虫絞痛付一

切瘡殺諸虫諸毒

味甘性大寒無毒凡治飲食須逐日熬用經宿者動氣有牙

齒并脾胃疾者切不可食食之引嗽哮喘者忌服

香油可煎膏生肌止痛消癰腫補皮裂引咳嗽

覆盆子

治男子腎虛精竭陰痿極能益精婦人食之有子

金櫻子

味甘酸氣平微温無毒四五月採

治遺精滑泄。經云炒止瀉血崩中帶下

湯液云療脾泄下痢止小便勤澁精氣搗汁熬膏久服輕身不老其汁如糖堪釀酒服

味甘苦氣微温無毒俗呼白櫻開白花有刺

丙菘菘臣

補中除莖中寒熱痛養五臟強陰益精氣令人多子煖腰膝上腰痛洩精尿血餘瀝命門相火不足者以此補之大壯陽

珠囊云補五陽七傷填精益腎扶男子陽絕不與治女人陰絕不產

味甘酸鹹性微温無毒端午日取陰乾先用酒浸一宿刷去

浮田擘破中心去白膜脚用酒蒸酥多用

肉菘菘出西方形廣而扁肉厚味美草菘菘出北方根短而

形負紫色肉薄功力劣尔

瑣陽

補虛絕与癆傷

味甘鹹無毒酥多用 一云菘菘根

牛膝君

補精強足療脚痛腰痛破瘀血下胎

經云主寒漏痿痺四肢拘挛膝痛不能屈伸續助骨絕封填

骨髓除腦中痛及腰脊痛通文經補腎治陰痿逐惡血破癥瘕結排膿止痛補虛勞助十二筋脉

味苦甘酸性平無毒惡龜甲畏白蘚皮採根陰乾長大柔潤者良去芦酒洗用已忌食牛肉

杜仲

益腎填精去腰脊重痛堅筋骨強志除陰下濕痒小便淋瀝脚中痠疼

味辛甘性平温無毒惡蛇脫玄參姜汁炒去絲用雷公云杜仲去皮一斤用酥二刀蜜三刀炙盡為度單用蜜亦可

訶子 一名訶梨勒

腎氣肺氣喘急消食開胃止腸風瀉血崩中帶下胎漏胎動

脹悶

李氏云消痰下氣除脹滿進食其子未熟時飄墜者為之隨風子尤珍貴益小者益佳

張仲景云肝氣上逆急食苦以瀉之以酸補之訶子苦重酸輕苦重泄氣酸輕不能補肺故嗽藥中不用氣虛人不宜多服以其能泄腸而又泄氣故也

味苦酸氣温性急喜降無毒六稜黃而帶黑色肉厚者佳煨熟去核取皮用極酥止瀉和胃也

黑附子 使

療虛寒翻胃更壯元陽除六腑之沉寒補三陽之厥逆其性

浮而不沉其用走而不守主風寒救逆温中

玆云治脾湿腎寒破癥瘕積聚腰脊風寒心腹冷痛霍亂轉筋下痢赤白堅肌骨墮胎塞湿痿躄拘挛膝痛脚冷弱不能行步又治金瘡

象云得白朮為佐除寒湿之聖藥也

黑附子浮中沉無所不至故行而不息非比乾姜止而不行大熱之劑非身表涼而四肢厥者不可輕服有大熱毒故以治四逆也

味辛性熱有大毒浮也陽中陽也通行諸經引藥又云入手少陽三焦命門之劑也地膽為之使惡蜈蚣畏防風黑豆甘草黃芪人參烏韭冬月採者為附子春採者為烏頭凡用以

俗方每以甘草人參生薑相配用者欲使毒其毒也○又云其形端正平首者為附子尖歪者為川烏

丹溪云用童便浸煮以殺其毒且可助下行之力入鹽尤捷此佐使之行藥世俗用為治風及補藥殺人多矣

提金云治傷寒用附子者去皮臍無一及一个者用黃連甘草各三升鹽水姜汁各一盞煮附子一沸又入童便半盞煮三沸撈起陰乾入磁器盛貯伏地氣一晝夜出火毒庶不為害一及重一枚者無毒生用不須製

湯液云烏頭附子天雄側子之類水浸炮裂去皮臍用之多有外黃裏白烈性尚在莫若乘熱切作片再炒令表裡皆黃

烈性盡去為良世人罕此製也

側子 即附子之傍出者

治癰腫風痺歷節脚冷痛寒熱鼠疫能下胎
味辛大熱有大毒即附子之傍出者為側子
天雄 即附子之長者

散寒去風濕助精陽。強骨破積治歷節風痛

味辛甘性熱有大毒遠志為之使忌豉汁細長至二三寸及
頂不平正者天雄也

麵包煨黃去皮臍用

川烏 即附子之嫩小者

破積消痰治風痺散寒冷下胎。主中風惡風咳逆上氣食
不下心腹冷痛臍間痛肩脾痛不能俯仰者並治之

東垣云散諸風之寒邪破諸積之冷痛

味苦辛氣大溫有大毒麻人之若生搗汁煎之成膏名射罔
果箭頭上射禽獸見血封喉毒獸之藥也

諸書止曰烏頭不分川草疑即草烏也開紫花如鴛鴦是也

白附

治中風失音面疔癰疵疥癩風瀉頭面癩痕陰囊下濕腿脚
無力諸風冷氣

賦曰去面風之遊走

經云主心痛血痺面上百病行藥力

味甘辛性溫平無毒又云大溫有小毒三月採取炮過入藥
形似天雄新羅出者佳又入面脂皆好

白薇臣

消淋瀝治風狂及溫瘧暴中風身熱肢強不知人事狂惑和
氣寒熱酸疼下水氣利陰氣益精止驚邪風狂瘧女人傷中
淋露

朱苦鹹性大寒無毒如葱管者佳惡黃芪大黃乾姜乾漆山
茱萸大束大戟

白欬使

治腸風癰腫散結氣止痛除目中赤熱溫瘧治疔腫發背殺
火毒女人帶下赤白陰中腫痛

味苦辛甘性平涼無毒代赫為之使反烏頭

白芨使

破癰疽合眼較消結熱療陰痿治鼻衄面黥金瘡及肢體傷
高機損溫熱瘰癧血痢湯火瘡生肌止痛風痺

東垣云治腫毒惡瘡傷敗死肌胃中邪熱賊風鬼擊癰緩不
收除白癬疥虫。又治結熱不消主陰下痿治面上點治鼻
衄金瘡及手足傷折

味甘性平無毒紫石英為之使惡理石畏杏李仁反烏頭
又云味苦辛微寒

續斷君

經云主傷寒補不足治金瘡癰疽傷折跌損續筋骨

伊訓曰治女人乳癰崩中漏血金瘡出血止痛生肌肉及腕
折惡血腰痛閉即緩急久服益氣力

東垣云助氣調血脉補勞傷止泄精破癥結女人產後諸病
漏胎尿血煖子宮

珠囊云治崩漏安胎益筋強脚

味甘辛性温無毒地黄為之使惡雷九採取陰乾節上断皮

黃皺者為真酒浸一宿取出烘乾去梗心用葉以芎而莖方

石斛 一名金銀石斛 一名柰生 一名石遂 一名杜蘭

一名林蘭

平胃氣補虛益腎更醫脚弱。主傷中補五臟虛勞羸瘦強

陰下氣除痺

湯液云益氣力平胃氣長肌肉逐皮膚邪熱脚膝痛冷痺脚

弱久服定志除驚熱厚腸益精補腎

朱氏云治男子腰脚軟弱

味甘性平無毒惡凝水石巴豆畏姜蚕雷九生石上一名金

遠志君

利九竅寧心益智聰明耳目健志不忘補虛勞益精氣

衍義云定心安竟鬼堅壯陽道長肌肉助筋骨及婦人血禁

失音小兒客忤

伊尹云主咳逆強志倍力定心氣止驚悸下膈氣去皮膚中

熱面目黃久服好顏色延年

味苦性温無毒得茯苓冬葵子龍骨良殺天雄附子毒畏珍

珠黎芦蟾蠩四月採根葉陰乾葉名小草

雷公云用甘草湯煮一時去心用不則令人煩

益智

益氣安神止遺精虛漏小便頻數遺瀝補不足安三焦調諸

氣和中去脾胃寒邪

味辛苦性溫無毒本脾經藥入足少陰腎經凡使須去皮搯水炒入藥

縮砂仁 君一名縮砂蜜

主虛勞冷瀉宿食不消赤白瀉痢腹中虛痛下氣治冷氣腹痛止休息氣咳嗽奔豚霍亂轉筋

珠囊云止吐瀉安胎化酒食之劑

李氏云妊婦因氣胎動痛服之極安胎止痛

湯液云同白檀香白豆蔻則入肺同益智人參則入脾同黃

栝蒌苓則入腎同赤白石脂入大腸

味辛苦性溫無毒入手足太陰陽明太陽足少陰諸經去壳

破肺中滯氣退目中雲云散胸中冷氣補上焦元氣

賦曰寬膈止翻胃助脾

神農本草云消谷下氣泄胃治冷積冷瀉

伊訓曰止吐逆翻胃去口精翳膜

味辛性大溫無毒升也防也味薄氣厚入手太陰肺經不宜

多服去壳研碎用

草豆蔻

去脾胃積滯之寒邪止心腹新舊之疼痛

衍義云去胃口之風寒除脾胃之客寒及心腹疼痛止霍亂

嘔吐溫中下氣去口臭消脹滿消酒進食補胃健脾調中

一切冷氣調短氣

味苦辛性溫熱無毒浮也陽也入足太陰脾陽明胃一經雷
公炮炙云麩裏煨熟研碎入藥

草粟

溫脾胃而止吐嘔

味辛性溫無毒去壳研碎入藥

肉果

君一名肉豆蔻

補脾治痢尤調冷瀉解酒消食調中煖胃止霍亂嘔沫下氣
治積冷心腹脹痛脾胃虛冷痢疾小兒傷乳吐逆泄瀉之要
藥也

味苦辛性溫無毒湯搜米麵粉包煨黃色熟用其油色黃實
者良收遊之劑也

一名雀頭香

湯液云除胸中熱充皮毛久服利人益氣長鬚眉

圖經云治膀胱及脇氣妨常日憂愁不樂飲食不多皮膚搔
痒癢疹日漸瘦損心忪少氣以是知益氣血中之氣藥也本
草不言治崩漏是益氣而止血也又能逐去凝血是推陳也
或益氣之言七潭曾驗之矣

辛氣微涼無毒採取陰乾石臼杵去毛用童便浸或醋
晒乾研用

歙北豐口

七潭翁

鄭康寧

編集

愚男鶴石

主人

鄭獻

訂正

書林

明德堂

劉氏

刊行

紅豆

主治腸澼水瀉心腹絞痛霍亂嘔吐酸水解酒毒不宜多服
今人舌粗不能飲食

味辛性熱無毒云是良姜子一名紅豆蔻
良姜

治心腹逆冷氣痛攻冲及嘔食翻胃霍亂轉筋健脾暖胃消
宿食解酒毒下氣止瀉痢
味辛苦性大熱純陽無毒

生薑

製半夏有解毒之功佐大棗有厚腸之說溫經益氣發散表邪之風寒開胃益脾兼止胃翻之噦嘔
經云主傷寒頭痛發散風邪鼻塞咳逆上氣止嘔吐治痰嗽及心下急痛益元氣與大棗同若與芍藥同用溫經散寒嘔家之聖藥也

或問生薑辛溫入肺如何是入胃口東垣曰俗皆以心下為胃口非也咽門之下受有形之物者為之胃口與肺同處故入肺而開胃口也

書曰嘔者氣不散也以姜之辛能散其氣故曰嘔家之要藥味辛性微溫無毒去其皮則熱留其皮則涼平升也陽也

姜皮性寒無毒

乾姜

生則逐寒邪而發表炮則除胃冷而暖中

經云和肺氣引血入經治產後大發熱補下焦去腎冷不宜多服能耗散元氣辛以散之是壯火食氣也孕婦忌食乾姜令胎肉消金櫃云治胸滿咳逆上氣溫脾燥胃除寒冷腹痛中惡霍亂脹滿止血出汗逐風濕痺風邪皮膚間結滯止吐血腸風下痢生者尤良久服損目

湯液云治腰腎中冷氣痛破血去風通四肢關節開臟腑溫中

或問乾姜補脾本草言瀉脾何也東垣曰非瀉脾之正氣是瀉脾中寒濕之邪爾

生則味辛性熱炮則味苦性溫可升可降陽也無毒秦椒為之惡黃芩黃連或炒或炮紫黑色或生隨症施治

川椒使

經云主邪氣咳逆溫中逐骨節皮死肌寒濕痺痛下氣除六腑寒冷傷寒溫瘧大風汗不出心腹留飲宿食腸癖下痢泄精女人乳餘諸疾散風邪瘕結水腫黃疸鬼疰蠱毒耐寒閉

膝理
味辛性熱有小毒浮也陽中陽也杏仁為之使畏欬冬雄黃採取陰乾微炒使出汗取紅入藥去黃壳及目不用閉口者有大毒能傷人

秦椒君一名竹葉椒

味苦辛性溫熱有小毒黃色似川椒而大赤者良惡括蔓防葵畏雄黃去閉口及目不用治功同上

胡椒

經云溫中止心腹冷痛及霍亂冷瀉除臟腑風冷
珠囊云止胃中寒痰吐水

味辛性大熱無毒厲火而有金性燥殺一切魚肉蟹薑毒不可多服能傷脾胃肺氣積久能致大腸瀉痢

薑撥

溫中煖胃止心腹冷瀉及陰疝腎氣治霍亂

索古云補腰脚消食下氣止心痛殺腥氣

味辛性溫無毒即胡椒花又云胡椒出佛誓國此出波斯國

則二種矣其氣味實相似焉

萹澄茄

散冷助脾胃治心腹卒痛霍亂吐瀉痰癖冷氣脹滿

紫古云下氣消食破皮膚風令人能食又能染髮及香身

味辛性熱無毒云即嫩胡椒帶青採取者也

吳茱萸 一名食茱萸

散寒氣塞咽之不通冷氣填胸之不利治脾胃停寒之冷痛

止氣刺成陣之心痛又療寒濕疝止痛及腹內絞痛逐風邪

開腠理

東垣云溫中下氣止腹內冷痛下氣最速陽虛人服之愈甚

味苦辛性大熱有小毒入足三陰經實心之使惡丹參確

石與藥金云用此須以鹽水炒過入藥 有小毒

山茱萸

治頭暈遺精興陽長陰之劑

賦曰煖腰膝壯元氣補腎添精秘精

味鹹酸澁性平微溫無毒入足厥陰少陰兼實為之使惡枯

梗防風防已採實陰乾去核用肉其核能滑精

葱白

散傷風陽明頭痛之邪止傷寒陽明下痢之苦

湯液云能通上下之陽發散風邪主傷寒之熱出汗中風面

目腫傷寒骨肉痛喉痺不通除肝經邪氣安中利五臟安胎

止痛殺百藥毒

味辛性溫無毒升也陽也入手太陰足陽明忌與蜜同食

葱根主傷寒頭痛

葱汁平溫主溺血解黎毒

治人書云傷寒頭痛如劈連鬚葱白湯主之

葱子

安胎明目補中不足製百藥毒制蝱蝎毒忌蜜呀同煎

大蒜

主散癰腫疔瘡除風邪殺毒氣久食損肝氣損目

味辛性溫有小毒獨子愈佳

韭子

助陽而鑿白濁止夢泄精滑補腎溫中

味辛微酸氣溫性急無毒忌同蜜食

消谷通心竅補五臟利大小便辟邪氣止頭痛久食令人多忘事

煎酒噴痘體自然紅潤痲痘不出者按酒搽之立出

味辛性溫微小毒

蘿蔔

消膨脹下氣製麵毒。荀子治喘嗽消食

味辛甘性溫平無毒忌與地黃何首烏同食令人髮白根腦及葉人作蔬食之熟啖消食和中去氣去痰肥肌健人精神七潭云遇吐血症搗自然汁一二碗服之立止其子降氣冲墻倒壁與牽牛同功

山查

消食行氣健胃。丹溪云即棠棣子催瘡疹。消肉積。味甘酸氣平無毒青而未紅有力。

使君子

治小兒五疳小便白濁殺虫止瀉痢。

其味甘平無毒又云性溫用仁或兼用壳昔郭使君用此因名焉似捩子而兩頭尖稜深色黑多單用。

打虫法每月十五日以前虫頭向上可服此下之十五日後其虫頭向下雖服無効必須於月初十日前服其數照依小兒年紀每歲服二枚一生一炮熟先以壳煎湯飲一二口然後吃使君肉其兒每一歲服二枚二歲服四枚三枚生二枚熟兒大者照年歲加之服後其虫自下。

味甘酸氣平無毒青而未紅有力。

治脚氣攻心止霍亂轉筋益肺去濕調榮衛助谷氣和脾胃。經云止吐瀉奔豚及脚氣水腫冷熱喘心腹止渴嘔逆痰唾腰脚無力不可缺此。

衍義云入肝故益筋與血病腰腎脚膝之要藥也。

東垣云氣脫則能收氣滯則能和。極治水腫脚氣。

味甘酸氣平無毒入手足太陰脾肺二經忌犯鐵。

甜瓜蒂使。主治大水身面四肢浮腫欬逆上氣去胃中息肉療黃疸除偏正頭風如有神吐痰殺蠱毒及食諸果病在胸腹中皆吐下之。

味苦性寒有毒七月七日採者佳。

王瓜

伊訓云主消渴內痺瘀血月閉寒熱痲疹益氣治聾

湯液云除邪熱散癰腫治女人帶下下乳汁止小便頻數不
禁逐四肢骨節中水瘰馬骨刺人瘡

味苦性寒無毒即落鴉瓜又名土瓜結子如彈丸生青熟赤
可取閩人謂之毛挑瓜。又云味甘平無毒

王瓜根使

珠囊云止渴散癰除疽消癥下血

十書云通血脉療天行熱疾黃病心熱煩悶吐痰痰瘡排膿
治熱癆

潔古云治撲損消瘀血破癥瘕落胎生用治肺痿吐血腸風

味甘平無毒三月採根陰乾用

王瓜子

湯液云主蠱毒治小便數遺不禁

此藥蔓生葉似括萋而負無義缺子如彈丸生青熟赤無稜
禮記云王瓜生即此物也不堪入大方止可單用

瓜萋十一名括萋子

下乳潤肺喘寬中。治癰腫下乳汁治乳癰等疾

味甘平性寒無毒性潤拘杞為之使惡乾姜畏牛膝乾漆犯
烏頭凡用去壳

天花

經云主消渴身熱煩滿大熱補虛安中續絕傷除腸胃中痼

熱入疽身面黃唇乾口燥調月水利小便

東垣云通月水消腫毒瘀血及熱狂專止心中枯渴

珠璣云療黃疸毒癰消渴解痰退煩熱補虛

味苦甘氣寒無毒入地深者良刮去土用

地骨皮

療在表無定之風邪退傳屍有汗之骨蒸除熱清肺治咳嗽

賦曰退熱除蒸

本草云主五內邪氣熱中消渴周痺風濕下胸脇氣客熱頭

痛補內傷大勞堅筋骨強陰利大小腸主腎家益精

象云解肌骨表裡熱主風濕痺消渴堅筋骨

珍云涼血涼骨

心法云去肌熱大除骨中熱

枸杞子臣

治五內

熱消渴除煩及周痺風濕下胸脇氣除頭痛補勞

傷虛弱益筋骨益精髓強陰利大小腸益智壯心氣去皮膚

骨節間出散渴腫熱毒久服輕身耐寒暑延年

珠囊云助陽明目

味苦甘性寒根大寒子微寒無毒子多入丸處處有之惟甘

泉州出有良

葉和羊肉作羹甚益人除風明目作茶飲止渴亦可作蔬食

五味子

滋腎經不足之水收肺氣耗散之金除煩熱生津止渴補虛

勞益眼氣強陰

伊訓曰益氣治咳逆上氣勞傷羸瘦補不足強陰益精養五臟生中肌

夏月合黃芪人參麥冬少加黃柏煎服令人頓加精神寒月與乾合同用治肺寒氣逆收斂之劑也

味甘性溫無毒降也陰也菘菘為之使惡姜豨烏頭陰乾去梗各研入藥北地產者良

鴛粟一名御粟 一名御米

利大小腸主行風逐邪氣治翻胃胸中痰及丹石發毒和竹瀝煮粥食

味甘性平無毒

鴛粟一名御米壳 一名米囊

味甜有毒去腸膜頂帶蜜水炒炙用此藥急能殺人不宜輕用又服此藥後諸藥鮮能獲效

薺苳仁

經云主筋急拘挛不能屈伸者毆風濕痺不仁利腸胃消水腫進食治肺痿肺氣吐膿血咳嗽

仲景云治風濕燥痛日脯所劇者與麻黃杏仁薺苳仁湯味甘性微寒無毒八月採實春去壳微炒用。根煮汁服去

蛻虫又云根能下三虫

何首烏

治疔瘡止痛益血氣黑鬚髮怡顏容及積年癆瘦痰癖風虛敗

藥性大全

經云主瘰癧消腫療頭風五痔骨軟風腰膝痛行動不能遍
身瘙痒婦人產後帶下諸疾久服長筋骨益精髓有子延年
不老及婦人惡血痿黃毒氣入腹久痢不止効難盡述

味甘苦澁性微温無毒菴苓為之使忌猪羊血惡菜服春夏
採根以苦竹刀切作片米甘浸經宿晒乾木杵春搗之忌鉄
有雌雄二種雄者色赤雌者色白凡用須以雌雄相合用之

石蓮子

開胃進食清心解煩專治禁口痢
味苦性凉無毒去壳用

蓮子

清心醒脾

補中養神止渴進飲食合芡實腰痠世清
味甘澁性平無毒凡用去壳心

蓮花蓮鬚

養容顏澁精氣。久服令人好顏色

味甘淡澁性平無毒忌地黄有紅白二種

蓮葉蓮房

皆破血若胎衣不下酒煮食之

味苦辛性凉無毒

蓮葉取蒂如錢大乾晒為末入敷疔藥

藕

解煩悶酒毒熱毒消瘀血散血止痛生肌治產後血悶並生

用杵汁服若蒸者食開胃補五臟

味甘性凉無毒諸病並宜服食無所忌

藕節汁

止吐血衄血咯血嘔血及上部所見諸血皆治
味甘澁微苦性寒無毒收澁之藥也

蒲黃君

止崩治衄消瘀血調經

經云主心腹膀胱寒熱利小便止血消瘀血行血治一切吐
衄血通經脉墮胎止女子崩漏帶下主衄血尿血唾血利水
道排膿瘡癤心腹疼下乳汁止洩精血痢腸風瀉血兒枕急
痛除腹痛

味甘性平無毒生用則破血消腫炒用則能補血止血忌鐵
惟用帛炒

經云療五臟心下邪氣口中爛臭堅齒明目聰耳
珠囊云開心氣更治耳聾

秘要云去風寒濕痺補五臟通九竅明耳目出声音益心智
除健忘作湯浴身除溫瘧積熱

味辛苦性溫無毒秦朮為之使惡麻黃忌飴糖羊肉勿犯鉄
銅令人嘔逆生石上一寸九節者良去根毛用

艾葉

經云主灸百病可作煎止下痢膿血吐血衄血下部墮瘡婦
人崩漏血陰氣生肌肉避風寒止崩安胎治腹痛痔血煖子
人宮壯陽使人有子生用則寒熟用則溫

卅溪云熟用少灸火其性下行用以服食其性上行

珠囊云治崩漏安胎煖子宮而醫紅痢

味苦性微温無毒三月三及端午日收者良若用灸火陳久者良孟子云有七年之病求三年之艾愈久愈効有生搗汁服者或入湯煎者隨病施治蘄州者佳

薄荷使

珠囊云清利六陽之會首却除諸熱之風邪

賦曰清風消腫引諸藥入榮衛

能發毒汗破血止痢通利關節治中風失音吐痰療心腹脹

下氣去頭風新病瘥人勿多食令人虛汗出不止

味辛苦性凉無毒手太陰肺厥陰胞絡之藥升也陽也

荆芥穗

珠囊云清頭目便血風疔之用

味辛性凉無毒採取乾陳久者良

香薷

下氣除煩熱主霍亂腹痛吐下散水腫調中温胃

味辛性微凉無毒石上生者良

神效

調中下氣健脾温胃化水谷進飲食治赤白瀉痢

經云療臟腑中風氣除腸胃中寒不下食消宿食開胃補虛

去冷氣霍亂心膈氣痰逆令人好顏色能落胎下鬼胎及治

小兒腹堅大如盤胸中滿及女人胎動不安或腰痛捨心下

血不止火炒以助天五之氣

味甘性溫平無毒入足陽明胃六月間作陳久者良炒令香用

麥芽

助脾化食除脹滿破冷氣胃氣虛者宜少服久服消腎

十書云溫中下氣開胃止霍亂除煩消痰破癥結能催生落

胎治產後疹結膨脹不通

味甘鹹性溫平無毒水漬大麥生芽蜜為之使與豆蔻砂仁

木瓜芍藥五味子為梅為之使炒熟搗去壳用

大麥

主消渴除熱益氣調中。又云令人多熱

味鹹性溫無毒

經云除熱止燥渴利小便養肝氣止漏血吐血

味甘微寒平無毒以作麩則溫不能消熱止煩麩甘溫實人

肌腠厚腸胃性擁熱小動風氣

浮小麥

止汗養心

味甘性微寒無毒帶皮則涼去皮則執帶皮用

蒼麥

珠囊云實腸胃益氣力久食動風令人頭眩和猪肉食之患

熱風脫人鬚眉能動諸疾

味甘平性寒無毒忌與白礬同食能殺人

粳米

平和五臟補益胃氣

主益氣除煩渴止洩斷痢和胃氣長肌肉温中補下元療胃

經蒸病湯液云益脾補胃治陽明經入肺同雞肉作粥益精強志聰

明耳目

味甘性平無毒入手大陰肺少陰心經此即是人常所食米
但有白赤大小之異族類雖多同一類也倉粳米炊作乾飯
食止痢粳米汁主心痛止渴斷熱毒前常食乾飯令人熱中

陳米

開胃止瀉

味甘性平無毒

粟米 一名稷 一名粿

賦云治胃弱食不消化嘔逆反胃等疾

味甘鹹微涼無毒

黍米

主咳逆霍亂除熱止瀉止煩渴又云多食多熱令人煩

味甘微苦性微温無毒

糯米 一名粘稻米

大補胃氣主湿中令人多熱大堅便補中益氣止霍亂取一
合水研服此物能使人多睡發風動氣不可多食

味甘苦性微寒平無毒

糯米性寒造酒則熱糟乃温平

穀芽

養脾進食
味甘性平無毒

飴糖

欵汗健中補虛羸止渴消痰治嗽去宿血補中益氣
東垣云開五臟健脾胃中滿及嘔家切忌服此
味甘微溫無毒入足太陰脾經以糯米煮粥候冷入麥芽澄
清再熬成飴諸米皆可作糖惟糯米者入藥

酒

東垣云酒苦辛甘味辛者能散味苦者能下甘者居中而緩
也以為引導可以通行一身之表至極高之分若味淡者則
利小便而下大海

醋

一名醯

味苦甘辛性大熱有毒糯米麴造者入藥

理產難去瘀血生新血女科之藥也又能治癥除癰消癰腫
益血

欵咽瘡散水氣殺邪毒

味酸性溫熟無毒米造者入藥陳久良

淡豆豉

發傷寒之表吐痰涎除疸黃治瘴氣忘毒煩燥滿悶虛勞喘
吸兩脚痛冷殺六畜胎子諸毒

極治傷寒發黃疸
提金云治傷寒頭痛煩燥滿悶去心中懊懷

味苦性寒無毒出江西無鹽者佳

賦云性温

赤小豆

主下水排膿寒熱中消渴止瀉利小便止吐逆消脹滿治小腫通健脾胃久食則虛人令人黑瘦枯燥

味辛甘酸氣温無毒陰中之陽

赤豆花名腐婢治宿酒渴病氣平味酸無毒

菘豆粉

醒酒解砒毒○豆芽○下婦人瘀血治湿痺筋挛

味甘氣平無毒用大豆發芽晒乾名豆卷去壳入藥

黑豆

經云金雞納煮汁飲殺鬼毒止痛并烏頭毒除胃中熱

中淋露逐水脹下瘀血久服令人身重炒令黑烟未出熱投酒中治風痺癱瘓口禁產後諸風

日華子云發傷寒汗食蠶生服半搗去心胸煩熱明目填心

不忘惡五參龍胆得則胡烏啄杏仁牡蠣良味甘氣平

山豆根

解毒能止咽喉之痛除熱消腫止痛極能吐痰涎

味甘辛苦氣寒無毒一云有小毒洗去土用極能吐人常生

紅子生深山陰處今處有之其葉兩傍有曲紐者是略似

紫荊皮葉此藥無毒亦可為末酒下二三錢可見其無毒矣

威靈仙

推腹中新舊之滯消胸中痰唾之痞散苛痒皮膚之風毆冷氣腰膝之痛及療打傷

經云主諸風濕冷通十二經脈去心腹及腰膝冷痛久積癥瘕去大腸之風

味苦氣溫無毒可升可降陰中陽也忌茶及麴牛乳黑丑肉冬月丙丁戊巳日採去若泥用

防風臣

東垣云用防風身治人身半已上之風稍去身半已下風邪能制黃芪黃芪得防風其功愈大得澤瀉蒿本療風得當歸芍藥陽起石禹餘糧療女人臧風

味甘辛性溫純陽無毒太陽膀胱腎經之藥足太陰脾行經之藥惡乾姜藜蘆白蘞羌花殺附子毒新實而脂潤者良去頭叉尾者有毒勿用

金櫃

金櫃云瀉心經客熱又云諸經邪熱非此不除治寒熱瘰癧諸惡瘡癰腫癭瘻結熱瘡家之聖藥也去胃虫通五淋與柴胡同功但分氣血之異爾

味苦平性微寒無毒升也陰也手足少陽三焦胆經陽明大腸胃經之藥採取陰乾凡治血症黃連為主以防風為上使連翹為中使地榆為下使一名旱蓮子

羌活君

珠囊云散肌表八風之邪利周身百節之痛排拒陽肉腐之疽除新舊風濕之症乃手足太陽表裡引經藥也

經云毆太陰頭痛透關節明目毆風除筋挛腫痛又治賊風失音不語

伊訓云主太陽經頭痛及一身肢節盡痛

朱苦甘辛氣平微溫無毒去土用肝經膀胱腎經之藥也

獨活君

治諸風頭眩目暈頭項難伸除兩足風寒濕痺不能動止瘰

金瘡止痛黃豚瀉諸賊風百節疼痛疎風不論久新及治

女人疝瘕諸風必用之藥

味苦甘辛平性微溫無毒升也陰中之陽也是少陰腎經引

經之藥

本草云羌活獨活本同一種後人分用紫色而節密者為羌

活黃色作塊而氣香者為獨活羌活氣雄獨活氣細豚實為

之使

療大人風熱頭眩治小兒風癩驚悸主諸風濕痺不仁去癰

緩語言不遂利腰膝強筋力專治頭風

味辛苦性平無毒降也陽也五月採日乾其苗名定風草一

名赤箭凡用濕草紙包煨熟用

定風草

味甘氣平治冷氣難瘕又云性寒主熱毒癰疽

赤箭

殺虫精蠱毒消癰腫下血益氣力長陰

味辛性溫無毒獨莖似箭擗赤色端有花葉如箭羽其子似

苦棟子五六稜中肉如麵

本草言定風草赤箭共一物其根是天麻未知是否

苾薜

主腰背痛強骨節風除寒濕周痺陰痿失溺關節老血老人
五緩

賦云逐骨節之寒溫

東垣云治難緩軟風頭旋

丹溪云益精明目

味苦甘淡性平無毒處上有之惟川者良意必為之使畏葵
根大黃柴胡牡蠣形似接莢時人為之白接莢

其川辭形軀壯大尖兀切開白莖帶粉販者多以荆崗腦充
膏其色紅其形相似其味苦澁切宜辨之

接莢

主腰背寒痛風痺益氣止小便利治時疾瘟瘴

治風腫止痛治瘧損惡瘡入鹽同搗敷瘡
一名荆崗樹與葦莖相似草辭色白荆崗樹色赤為異尔
山牛 一名冷飯團即上莖辭也

治風濕疔毒及脚弱腰疼極治楊梅等瘡

味甘氣平無毒浴呼為黃牛根生細藤葉尖長頗類竹葉而
厚牧童常採而食之主治略與川芎辭同功忌鵝羊牛肉茶

茗

桑寄生臣

十書云治背強腰痛風痺瘰癧疽充肌膚堅齒黑髮長鬚眉
安胎下乳汁治崩中勞傷及產後餘疾又能益血

味苦甘性平無毒桑木氣厚生意濃無採擇者自然而生出
採莖葉陰乾諸木皆有惟桑木上生者佳

寄生子明目輕身通神凡採得用銅刀連根枝葉砍取之陰
乾任用勿見火

楓寄生 楓樹上菌不可食食之令人笑不止用地漿解之

去風可泡湯洗浴身軀出穢氣風毒其子及莖葉俱不堪食
功力劣於桑寄生

味苦辛性溫平無毒

淫羊藿 一名仙靈脾

療風冷痺補陰助陽

治陰痿及莖中痛利小便益氣力強志堅筋骨治冷風勞氣
補腎虛及陽絕不起

易老云治瘰癧赤離及下部瘡丈夫久服令人無子

味苦辛性溫平無毒去土用

天楓子

療諸風疥癬

牛蒡子 一名鼠黏子 一名惡實子

療風濕癭疹盈肌退風熱咽喉不利散諸腫瘡傷之毒利凝
滯腰膝之氣

湯液云解風纏明眼目消瘡瘍宣腫毒及手足筋挛

經云去風治惡瘡及四肢不健明目補中除風傷

陳藏器云味苦治腫毒諸瘰癧風毒癰疽齒痛咳嗽潤肺散氣
消痰壅

易老云味甘無毒通十二經脉洗五臟惡氣

東垣云主散氣消腫毒利咽隔潤肺順氣補中明目治皮膚

寄生子

楓寄生

淫羊藿

天楓子

風通十二經

味辛氣平溫

七潭云味初苦而後辛氣猛烈無毒今處七有之秋採結實者良炒香微研入藥

蒼耳子

主頭風寒痛風濕周痺四肢拘挛疼痛惡肉死肌膝痛去大風顛癇

珠囊云止透腦風及寒頭痛

浸酒去風燒灰付疔腫

味苦甘氣溫無毒子熟時採取日乾反猪肉入藥炒令香并去刺古方多單用

佛耳草

治風濕痺亦癩癧瘡最治血崩及妬精瘡亦能發汗

味辛微寒有小毒採取日乾或煎湯洗患處去風用水煎酒煎服隨症施治

佛耳草

東垣云治寒嗽鬼嗽及痰除肺中寒大升肺氣以用欬冬花為使過食損目

味酸性熱有小毒

新刊藥性要畧大全卷之四

益母草

一名野天麻

治女人經候不調及胎前產後一切諸疾此女科之要藥也
敷蛇咬毒付疔腫服汁使疔腫內消

日華子云下死胎及產後百病

味辛甘苦氣平無毒有二種白花者有毒入炒火用惟紫花
者入藥三月或端午日採取陰乾忌犯鉄

菴蔚子

明目益精療血逆頭痛心煩久服輕身治產後血脹多入眼
科用

味甘苦氣平無毒即益母草子俗呼為臭蔚之莖葉同功
十書云味辛甘性微温又云微寒

蔓荆子

治太陽頭痛昏悶除目翳散風寒涼諸經之血熱

經云利關節敗賊風及筋骨間寒熱濕痺拘攣明目堅齒利

九竅殺寸白虫長虫

機要云治風頭痛腦鳴目睛內痛淚出益氣治癰痰

味苦辛甘性微寒平氣清無毒又云微溫入太陽經之藥胃

虛人禁服恐生痰更為頭石膠

天明子 一名草决明

瀉肺熱明目敗風兼治鼻衄

湯液云主青盲目淫膚赤白膜赤痛淚出療唇口青

東垣云除肝經熱

葶藶子

主風虛寒熱身癢瘡痒浮腫尸疰惡氣

治癘風惡風主水蠶催生之劑入膏能消腫

味甘辛平有小毒凡去壳用

藥主脚氣風腫不仁

白疾黎

伊訓云主惡血破癥瘕積聚喉痺身體風痒頭痛咳逆肺痿

止煩下氣小兒頭瘡癰腫陰潰可作粉

珠囊云治風癢痒痛明目○朱氏云補肝

陳藏器云味甘有小毒治諸風癰瘡破宿血療吐膿治產難

去燥熱不止

味苦辛性微温無毒烏頭為之使有黑白二種不入湯煎止
入丸散並炒過微研去刺用

葉主皮膚瘙癢可作湯浴久服長肌肉明目輕身

木賊草

明目去翳止崩漏益肝胆消積塊攻腸風止痢

十書云得牛角鯁射香治休息痢瘕久不差者得禹餘糧當
歸芎藭瑋崩中赤白得槐蠟桑耳治腸風下血得槐子只實
止痔漏出血

味甘微苦性平無毒四月採去節剉以水潤湿烘乾入藥麩
處有之惟川地產者粗大良

蒙蒙花

味甘平性微寒無毒木似艾青葉而厚背白色有細毛潤滑

一宿候乾再用蜜拌蒸晒乾入藥

旋覆花

一名金沸草 一名滴滴金

補中下氣消堅軟痞消胸中痰結涕唾稠粘臍下膀胱留飲
利大腸通血脈汗下後心下痞噎氣不除者宜此

金櫃云治風濕痺皮中死肌目中多眵蚩膜去面黑子悅顏

色散丙脇氣脹寒熱水腫及膀胱宿水開胃止痛進食
珠囊云明目治頭風消痰癰咳嗽及風濕上嘔逆不食

味甘微鹹氣温無毒一云冷利有小毒六七月採花日乾其
花如菊深黃色俗呼為野金錢

根味辛主腹中寒熱邪氣利小便

甘菊花

東垣云散八風上注之頭眩上兩目欲脫之淚出

伊訓云去翳膜明目養目血治身上諸風治四肢游風利血

脉止心燥胸膈滿悶

賦云明目清頭風散濕痺

菊花

本經云主頭風頭眩腫痛目欲脫淚出風濕痺及皮膚死肌
除膏中煩熱安胃調四肢味甘者名甘菊使也治熱頭旋倒
地腦骨痛身上諸風冷並能消散味苦者名苦蕒云不堪入
藥但只破血婦人腹內宿血調中止淺

味苦甘平無毒可升可降陰中陽也桑白皮為之使味甘者
入藥又云氣寒味苦者名苦蕒傷腎勿用九月採花陰乾去

又云味甘莖紫者佳味苦莖青者能傷胃氣

經史証類云南陽潭者為佳春布種生細苗夏茂秋花冬結
實

舊本云南京有一種菊開小花已瓣下如小珠子名為珠子

菊入藥亦佳正月採根三月採葉五月採莖十一月採實皆

陰乾用菊品極多皆不結子其結子者止三二種而已

白菊花

治痘瘡入目明目止淚

味苦甘氣平微寒無毒葉巨為之使九月採花陰乾去蒂用

款冬花

君一名氏冬花

治肺氣促急勞嗽連吐不絕涕唾粘治肺痿肺癰吐膿血潤

心肺益五臟除煩勞消痰止咳心虛驚悸洗肝明目中風等症亦治喘息喉痺

珠囊云潤肺去痰嗽定喘治肺勞嗽消渴

味辛甘氣溫無毒杏仁為之使得紫苑良惡硝石皂莢玄參畏貝母辛荑麻黃芫荽黃芩黃連青箱微見葢未舒花者良

金銀花 一名忍冬花

治瘡毒排膿消腫主寒熱身腫療熱毒血痢水痢及腹中脹滿

味苦甘氣平微寒無毒凡四兩花有黃白二色共枝故名金銀四月收麥時採花陰乾用

過東藤

釣藤

治小兒寒熱客忤十二驚癇驚啼驚胎風熱壅舒筋活血味甘平微寒無毒稍未有釣如釣因名吊藤

青藤

療諸風癱腫

味苦辛氣寒無毒

尋風藤

療一切疼痛諸風氣

甘露藤

甘溫無毒主風血氣諸病止消渴除腹冷久服調中潤五臟肥肌好顏色

石楠葉 一名丁公藤

療脚氣拘挛利筋骨皮毛痛補養腎氣與陽強腰脚除熱殺

蠱毒破積聚逐風痺

象云逐邪氣除熱女子不可久服令思男

味苦氣溫平有小毒五加皮為之使二四月採葉陰乾用

實亦可食葉如枇杷葉有小刺背有紫點

經云石楠即香楠木也有一樣附于楠木而上故名石楠藤

郭云石楠藤如馬鞭有節紫褐色葉如香葉而尖一名丁

公藤

茵芋葉使 除風濕走注之痛通關即風寒濕痺理寒熱以瘥止心腹痛

芙蓉葉

療諸毒癰腫味甘澁氣平微寒無毒採葉陰乾為末入敷藥

不入湯丸其花亦可用與葉同功

尤美葉

療諸毒癰腫

味甘辛氣平微寒有小毒採葉陰乾為末入敷藥不入湯丸

有二種葉尖長背白為末見水有涎稠繆

海桐皮

止剋除疥風治痛風濕痺治霍亂中惡虫牙並煮服及含之

榆皮

療前後秘極利五淋治小兒頭瘡消食通經脈敷癬

味甘性平無毒

秦皮 一名岑皮 一名石核 一名益桂

治風寒濕痺漆精髓洗眼摩昏止女人崩漏帶下

湯液云去肝熱目赤腫痛風淚除目中青翳白膜除熱散目

中雲翳久服皮膚光澤肥大有子又治熱痢下重下焦虛及

小兒風熱驚癇又治天蛇毒即草間黃蜘蛛螫人也

味苦性寒無毒沉也陰也其葉似核大戟為之使惡苦瓠防

葵吳茱萸

白鮮皮臣

去風治筋弱癢足頑痺治疥清使通淋治女人陰痛腫

經云主頭風黃疸嗽逆淋瀝瘰癧濕痺死肌不能屈伸者及治

小兒驚風癇疾走步不寧竅血脈一切風痺

朱苦鹹氣寒無毒惡鱗蝮枯梗茯苓必解四五月採根陰乾

去骨用根皮

白楊皮

主毒風脚氣腫四肢緩弱皮膚皴皸疥癬等症

易老云去風痺宿血折傷血滯在骨肉間痛不可忍及皮膚

風瘙腫

金櫃云治撲損瘀血並酒服煎膏可續筋骨

味酸性冷。葉員如大杏葉

紫荆皮

療腫毒折傷

味苦性温無毒用根皮俗呼為牛頭藤

牡荊子 一名黃荊子

治頭風目眩除骨間寒熱通利胃氣止咳逆下氣赤白帶下
得栢子青箱共治頭風播酒敷乳癰

味苦氣温無毒處有之防風為之使惡石交

紫荊木

破宿血下五淋濃煮汁服花亦同功

味苦平無毒○此紫荊即田氏紫荊花樹也前紫荊皮乃牛
頭藤蔓生者非此木也今俗人呼羌花為紫荊花誤益甚矣

牡丹皮

除結氣破瘀血治虛勞骨蒸衄血吐血女經不通血滯
經云除邪氣悅顏色通關即紫理血使非濃通經散其良於

紫古云治客熱五勞氣頭痛腰痛

東垣云治冷氣散諸風治女人經閉及血滯腰痛

象云治腸胃積血及衄血吐血必用之藥以此觀之能破而
能止也

珍云涼骨蒸五勞腰痛

本草云主寒熱中風痲痺瘧疾驚癇邪氣除癥堅瘀血留舍
腸胃安五藏瘰癧疔除時氣頭痛客熱五勞顛疾

易老云治神志不足及無汗之骨蒸地骨皮治有汗之骨蒸
味辛苦鹹性寒無毒入手厥陰胞絡足少陰腎

寸書云入膽腎二經畏克絲子採根皮去心水洗淨用勿犯
鐵器

五加皮

治心腹痛腰脊痛痺風弱五勞七傷補虛益氣堅筋骨能立
行強志意治疽瘍男子陰痿囊濕小便餘瀝治小兒脚弱不
能行察女人陰痒陰蝕
味苦辛氣溫微寒無毒遠志為之使畏蛇皮玄參用根皮五
加葉治皮風可作蔬食

桑白皮

補虛益元氣之不足止嗽瀉肺氣之有餘賦曰止喘息
經云利水道消浮腫腹滿殺腹臟虫
十書云治勞傷羸瘦吐血熱渴及肺中水氣利大小腸開胃
進食止霍亂吐瀉去風

薄皮留白蜜水炒或炙用

桑汁解蜈蚣毒止霍亂腸痛吐下○未苦甘氣寒有小毒水
煎洗脚氣水腫○桑葉除寒熱出汗

杏仁

潤肺止嗽散結調大便秘瘵時行頭痛

秘要云散胸膈間肺熱之風嗽主咳逆上氣雷鳴喉痺下氣
產乳金瘡奔豚驚癩心下煩熱風氣往來時行頭痛治傷寒
氣喘衝逆殺狗毒破氣

易老云瀉肺下氣解肌消心下急治女陰虫蝕痒熱結痰墜
喉痺等症

味苦甘氣溫有小毒得火良惡黃芩黃芪葛根解錫毒湯浸

去皮尖炒黃色用切勿用双仁者大毒

桃仁

破血治腰疼。消痰血破癥瘕通經生新血

經云治大便血結血秘血燥通瀉大便專治血結破血殺小

虫止咳逆上氣消心下堅除卒暴擊血通月水止痛

七潭云苦以泄滯血甘以生新血故凝血必用也又去血中

之熱

味苦甘氣平温無毒入足厥陰肝取仁湯浸去皮尖研碎入

藥双仁者有毒切忌用

東垣云杏仁療喘用治氣也桃仁療狂用治血也桃仁杏仁

俱治大便秘當以氣血分之書難便行陽氣也夜難便行陰

桃膠

破血殺百鬼精崇及五毒不祥等物又止吐血

樹上桃子自乾不落實中者正月收之即樹上刀桃子也

桃膠

下石淋破血中惡煉之主保中輕身不飢

味淡氣平無毒桃上及樹上津液也

郁李仁

潤腸通大便破血潤燥宣水去浮腫腹大堅齒殺白虫下氣

消宿食通瀉五臟膀胱急痛

味辛苦氣平無毒去壳用

栢子仁

養心脾安五臟益氣血治驚悸瘧瘵虛損及風濕痺

經云治歷節腰間腫痛止汗清心明目可以久服輕身耐飢
延年令人潤澤美顏色明耳目潤腎之藥殺百邪鬼魅
味甘辛氣平無毒牡蠣桂瓜子為之使惡菊花畏羊蹄諸石
及麴麩入藥微炒用

紅花 一名紅藍花

通經破血逐腹中惡血補血虛之血除產後敗血止血暈口
禁消癥瘕破宿血如有神

湯液云療腹中血氣刺痛治產後惡露未盡絞痛入心和血
養血與當歸同用良○蓋多用則破血少用則引藥入血分
而生血也

味辛甘苦氣溫無毒陰中陽也可染紅北人取其子搗油燃
燈併食用其葉以藍故名紅藍花

治瘡瘍破死血除產後敗血脹悶欲死者

伊訓云止痛排膿女人血暈口禁

七澤云極治打跌內傷瘀血調女人月水消癰腫瘀血

味鹹平性寒無毒可亦可降陰也遇撲打傷損瘀血積中疼
痛者炒黑色酒淬服之

乾漆

去癥續筋骨殺三虫除九種心痛生則損人腸胃炒熟能通

月經○治風痺咳嗽痞結腰痛女人疝瘕續筋骨填髓腦安

五臟利小腸去長虫蝮虫

東垣云削年深堅積破日久瘀血

味辛鹹氣溫有毒凡用酒炒令烟盡入藥半下為之使畏雞

子及蠟見蠟則化水不乾忌油脂

京三稜

破積除血塊氣膨氣滯氣脹消癥瘕寧心脾腹痛
十書云治心腹刺痛及氣脹血脈不調消痰血破血中之氣
損真氣虛人忌用

湯液云主老癖癥瘕結塊氣脹血脈不調療撲損瘀血女人
經閉心復刺痛能落胎消血產後血暈宿血不下
珍云補不足七澹言其誤矣

味苦淡氣溫無毒色黃躄重形如鯽魚而小火炮用生時畧
麻人舌

草三稜 一名雞爪三稜

破積聚散血通月水血結下胎破積聚癥瘕上痛利氣

蓬義木

療心疾破積聚消痰血通月經破癥瘕寧腹痛

伊訓云治女人血氣痛丈夫奔豚氣痛霍亂冷氣吐酸水能
破氣中之血能益氣開胃消食治積聚治諸氣為最要之藥
十書云治心膈痛雖破氣而又能益氣故治短氣不能接續
者用之今大小七香丸集香丸散及湯內多用此
味苦辛平氣溫無毒火炮醋炒用得酒醋良

阿魏

珠囊云除邪氣破積殺虫治傳屍。俗云消肉積

本經云味辛平無毒殺小虫去臭氣破癥積瘰癧亂心腹癆
堅氣殺一切毒

味鹹氣臭平無毒此物性極臭而能止臭因為奇物乃波斯國樹脂也又云走馬射阿魏凡用去枯者
雷公炮炙云先於淨鉢中研極細於熱酒器上滾過任用假
多難得真者

驗阿魏有三法第一驗將半銖安於熟銅器中一宿至曉露
阿魏變白如銀求無赤色

第二驗將一銖置於五汁草自然汁中一夜至明如鮮血色
第三驗將一銖安於油樹上樹立乾便是真的

鬱金

經云味辛苦性寒無毒涼心主血積下氣治金瘡生肌止血
破惡血血淋尿血可引用亦治女人宿血結聚溫醋摩服痰

朱苦性溫平無毒只十一葉為百藥之英其花狀如紅藍採
其花即是香也古人用鬱金釀酒以降神即此花也
姜黃

珠囊云下氣破惡血積滯。消癰通月水

易老云主心腹結積疰忤下氣破血除風熱消癰腫功力劣
於鬱金

日華子云味辛辣性熱不冷本經誤言寒也一名送藥

陳藏器云味苦性溫色白主惡氣疰忤心痛血氣結聚姜黃
色黃味辛性溫無毒破血下氣溫而不寒
鬱金色赤味苦性寒主治馬熱病二物相似而所用不同

蘇恭云不能分別三物

七澤云據三物氣色性味分明三種陳氏之言是也

大黃

其性沉而不浮其用走而不守奪土鬱之擁滯定禍亂以太平名曰將軍

賦曰通秘結導瘀血瀉諸實熱開血閉破癥瘕積

湯液云以苦泄之性峻至于下以酒引之可行至高之地

經云專治大便不通主下瘀血破癥瘕積聚留飲宿食蕩滌

腸胃去實熱通利水谷調中化食安和五臟平胃下氣除痰

實腸間結熱心腹脹滿女人血閉脹小腹諸痛老血留結

衍義云仲景治心氣不足吐血衄血瀉心湯用大黃黃芩或

曰心既不足不用補心湯反用瀉心何也答曰若心氣獨不

苦瀉其熱就以苦補其心蓋一舉而兩得之有是症者用之

無不効在量其虛實而已

味苦性寒無毒味極厚陰中之陰降也入手足陽明經黃芩

為之使無所畏凡用有蒸有生有炮熟或酒浸或酒洗

傷寒掇法云用溫酒拌勻晒乾用

本草撮要云酒浸引之上至顛頂入太陽似舟楫載之可

浮於胸中酒洗之引入陽明若用之於下不必酒也同硝石

紫石英桃仁能通女經出川地錦紋者佳在郎產者次之

巴豆

削堅積蕩臟腑之沉寒通閉塞利水谷之道路斬關奪門之

將不可輕用

賦曰利痰水破積結宣腸理膨脹治傷寒溫瘧寒熱破癥瘕
爛胎

經云去雷飲痰癖大小腹脹去惡肉殺虫魚

易老云通女經閉去胃中寒濕得火良

辛性大熱有大毒浮也陽中陽也生巴郡故名巴且性通
利若江水無滯故名江子芫花為之使畏葦草畏大黃黃連
黎殺班猶毒凡用去皮心炒令黃色另研如泥以和丸散
若用草帛包裹搥去油者名巴霜俗云巴且不去油力氣大
如牛

十書云生溫熱寒

雷公云若急治為水谷道路之劑去皮心膜油生用若緩治
為消堅摩積之劑炒烟去令紫黑研用可以通腸可以止嘔

仲景云治百病客忤備急丸主之

皂莢

治一切風痰。療風痺死肌頭風淚出消腹脹化谷除咳嗽
囊縮利九竅明目益精下胎衣殺精物

黎古云破堅癥腹痛下胎通關節開胃治中風殺勞虫去骨
蒸除疥癬風癩止痛及中風口禁

味辛鹹氣溫有小毒入厥陰栢實為之使惡麥冬畏空青人
參苦參亦有數種有長尺餘者有如猪牙彎而短小者名牙
皂良去皮子酥多用十一月採之。為末搗鼻嚏應迷妖迷
○葉為末入吐藥刺入煎藥破腫毒癰疽發背諸般惡瘡成
膿即穿

雷丸

殺三虫及寸白虫

黃友云去皮裡膜外之水削年久堅積

味苦鹹性寒有小毒白者良赤黑者有毒能殺人

大腹子

去臍下氣亦令胃和治癰毒痂隔止霍亂。通大小腸健脾

開胃調中時背云是氣藥也

味辛氣平微温無毒與檳榔一種尖長小大者為檳榔大而

偏者大腹子也

大腹皮

治水腫之服益助脾胃斂氣寬中

檳榔

墜諸藥性若鉄石治後重驗如奔馬

賦曰豁痰逐水消谷消山嵐瘴氣瘴疾下三虫去伏尸殺寸

白虫

十書云檳榔苦以破滯辛以散邪專破滯氣下行泄胸中至

高之氣亦治疥瘡

味苦辛氣温無毒降也陰也一云純陽形若雞心正穩尖長

心不虛不油者佳

牽牛使

消腫滿逐水下氣利大小便墮胎。極辛烈瀉人元氣

十書云以氣藥引之則入氣分以大黄引之則入血分

張文懿云昔見人病酒食者多服藥以導其氣及服神弓丸
犯牽牛初服即快樂也再服其病依然如舊又服其痞隨藥
而効藥過病復如初至又脫元氣而不知悔也惜哉惟當益
脾健胃使元氣不虧而自能消摩水谷其法無以加矣
丹溪云凡飲食勞倦皆血受病以此瀉之是血病瀉氣使氣
血俱虛損其所傷瀉其元氣損人而不知也

羅謙甫云牽牛瀉氣之藥味辛爵之猛烈雄壯漸漸不絕非
苦寒之藥血熱瀉氣差誤已甚若病濕勝濕氣不得施化致
大小便不通則宜用之耳濕去其氣周流所謂五臟有邪更
相平也經所謂一臟不平所勝平之火能平金而瀉肺氣者
也

商陸 一名樟柳

治水腫脹疝瘕癰腫腹滿能瀉十種水病

味辛甘酸性平有毒忌犬肉有赤白二種其形類人花莖赤
者根赤花白者根白白者入藥赤者入神

秦光

除四肢風濕瘰癧遍身黃疸

賦曰攻風逐水除肢節腫痛利小便

蒙古云主寒熱邪氣風濕痺治傳尸骨蒸及口禁腸風瀉血
入手陽明下牙痛口瘡

味苦辛平微溫無毒可降可升陰中陽也莖蒲為之使羅紋
者佳洗去土用

防已

經云主風寒温瘧利大小便療水腫風腫去膀胱熱諸癩除邪熱氣傷寒寒熱邪氣中風手脚挛急止洩

珠囊云專治水腫脹滿留湿去風湿淫痺除十二經水腫通腠理利九竅去血中濕熱

易老云消水腫散癰腫惡結諸蝸疥癬虫瘡味苦寒陰也無毒惡細辛殺雄黃毒畏女苑肉鹹葶藶採根陰乾去皮用紋如車輻者良

伊尹云漢防已君味苦有小毒治湿風口面喎斜手足痛散留痰主肺氣嗽喘

木防已使味苦辛能治男子肢節中風毒中風不語散結氣

本經云出漢中者黃實而香空軟葉細吹之氣從中貫如

通破之紋如車輻者為漢防已出他處者青白零軟又有腥氣皮皺者為木防已今方中罕用惟仲景方中亦用之。今市中貨者漢已小木已大

七潭云大抵漢防已主治水氣木防已主治風氣不通

瀉小腸不散之火利小便閉塞之熱與琥珀同功

經云除脾胃寒熱通利九竅血脉關節令人不忘散癰腫諸結催生墮胎治乳結下乳汁通經利竅療脾疸出音声治耳

聾金瘡惡瘡治五淋利小便開胃膈湯液云治人多睡及水腫浮大除煩熱止渴治鼻塞通小腸

破積聚血塊癆瘵排膿止痛及天行瘟疫頭痛目眩

賦曰利水道諸藥無過

通草 一名通脫木

陰竅澁而能利水腫閉而能行故名通草

証類云治五淋血閉催生下胎下乳汁治陰竅不利行小水

除水腫痺生用瀉肺明目退熱

味甘辛平無毒降也陽中陰也

舊說通草即木通非也蓋木通蔓生者也中如輻輳可以通

氣者。通草一名通脫木乃莖生者也其莖有節其葉大小

莖幹皆似葦麻中心有瓤輕白可脫出作花飾故名通脫即

今之損草也今方罕用與灯草同功

燈心草 一名石龍菊 一名龍鬚草

主心腹和氣小便淋閉風血。極利水道通五淋

猪苓

除濕腫躄用兼備利小水氣味俱長久服損腎昏目以其行
水之功多也

金櫃云行濕利小便療妊娠淋瀝又治從脚上至腹腫及少

陰渴者

味甘淡性平無毒入足太陽少陰降也陰也水浸打剉用

澤瀉

去胸垢而生新水退陰汗而止虛煩利小便通淋澁補不足

之陰療水病消濕腫乃灵丹之藥

十書云入膀胱及腎除濕之聖藥治小便淋瀝逐膀胱三焦

停水利膀胱熱宣通水道

藥性大全

仲景云水瀉煩渴小便不利或吐或瀉五淋散主之內用澤瀉故衍義云其功長於行水也

味甘鹹性寒平無毒降也湯中陰也畏海蛤蛟蛤凡用去毛土不油不蛀者佳

七澤云此藥極瀉腎不得已而用之可也不可常服

証類本草云治風寒濕痺乳難消水養五臟益氣力肥健補虛勞起陰氣止洩精久服明目

扁鵲云多服澤瀉令人病目誠為行去其腎水也

仲景八味丸用之亦不過接引桂附歸于腎經而已蓋凡服澤瀉散之人必多小便既多腎氣焉得復實故昏人目今止洩精藥內多不敢用本草云補虛明目之言誤矣

其實味甘無毒如風痺消渴益腎強陰久服面生光令人無

葉味鹹無毒主大風乳汁不出產難強陰氣

逸樂子云其子與葉亦能治水止消渴益腎強陰之言難以信用

蘆薈

決瀉腫明目去翳能下胎破血養腎氣逐膀胱邪熱止霍亂長毛髮

主五淋催生賦曰治血淋熱淋及小便閉

味苦辛氣寒無毒葦草牡丹為之使惡鱧蛸立秋採陰乾用花如野石菊

薔薇

主浸淫疥癩疽痔殺三虫療女人陰蝕及小兒疝虫霍亂

薔薇

使

味甘苦性平無毒生道傍苗似瞿麥葉細而綠如竹莖赤綠節間有花甚細青黃紅色四五月採苗陰乾

車前子 君

主氣癘止痛利水道除濕痺淋瀝養肺強陰益精令人有子治目赤痛

賦曰止瀉利水便方尤能明目

味甘鹹性平寒無毒端午日採陰乾炒研入藥常山為之使湯液云去風毒養肝療中風熱毒風冲目赤痛障翳腦痛淚出療淺精併尿血補五臟明目利小便通五淋

葉根味甘鹹性寒平無毒治金瘡止血衄破瘀血血瘦小便赤澁止遺精白濁止煩下氣

首陳使

主黃疸而利水

十書云主風濕邪結于內明目

經云清小便通關節去滯熱頭熱伏瘕治傷寒身痛能發汗除傷寒後發黃行肢節滯氣

伊訓云治風濕寒熱遍身發黃小便不利除煩熱

仲景云茵陳梔子大黃湯治濕熱梔子柏皮湯治燥熱

味苦辛氣平微寒無毒入足太陽膀胱經三月採陰乾用江南有山茵陳絕勝

昆布

破疝氣散癭瘤及結聚氣瘰治十二經水腫

湯液云利水道去面腫惡瘡鼻癭多食令人腹冷痛發氣吐白沫飲少醋消之

味鹹性寒無毒一云有小毒形如卷麻此海中苔類也凡海中菜皆瘵癭瘰結氣

海藻

利水道便閉泄十二經水氣消浮腫

賦曰散癭瘰破血治疝利小便治氣疾急滿瘵皮間積聚暴

潰留氣熱結

伊訓云散結氣癰腫癥瘕堅氣腹中上下雷鳴治頸下核治

疝氣下墜

味苦鹹性寒有小毒沉也陰中陰也反甘草洗去鹹味烘乾

入藥

甘遂

治面目浮腫腹大水腫胸膈水結胸中去痰破飲食積聚

此藥於行水攻劫為用宜斟酌詳審用之

味苦甘性大寒有毒瓜蒂為之使惡遠志反甘草

芫花

消浮腫逐水治癰痔心腹腰痛咳逆上氣喉鳴喘急咽腫短

氣蠱毒瘡疾癩腫疔瘡殺虫殺魚療嘔逆

十書云消胸中痰水喜壅水腫入五臟皮膚及腰痛心腹脹

滿毆一切毒風四肢拘攣

味辛苦性溫有小毒反甘草

莢花

莢字疑雜恐即芫花也其性味主治大畧相同姑存以俟知者

治傷寒溫瘧下十二經水腫破積聚癥瘕蕩腸胃宿食寒熱

邪氣利水道治痰飲咳嗽喉腫蠱毒

味苦辛微寒有毒

大戟

通經墮胎消腹滿破積聚癥結治蠱利十二經水道敗中風

皮膚痛腹滿急痛治痞塊腹內雷鳴利大小腸

味苦甘氣寒有小毒小豆為之使反甘草畏萹蒲荊草鼠屎

又反芫花海藻云即澤漆根有毒用萹蒲解之此藥瀉肺損

巴戟

主大風邪氣陰痿不起強筋骨安五臟定心氣補中益氣

湯液云療頭面遊風及一切風治小腹及陰中相引痛

東垣云下氣補五勞益精利男子增志治陰疝白濁夢泄補

去心用得枸杞菊花酒良其根紫色如連珠肉厚者佳

新刊藥性要略大全卷之五終

黃精

東垣云補中益氣安五臟除風濕久服輕身延年益壽

味甘平無毒藥似姜蕤凡使勿誤用鈎吻能殺人

姜蕤君

治風淫四躰不仁淚出兩目背爛男子濕注腰疼女人面生黑點

味甘平無毒可升可降陽中陰也藥似黃精又云即黃精也切勿誤用鈎吻能傷人

湯液云氣平味甘無毒主中風暴熱不能動搖心腹結氣虛熱濕毒腰痛卒中痛及目痛皆爛淚出去面上黑點潤肺除熱

朝野集云主時氣寒熱病內補不足去虛勞寒熱頭痛

雞仁

主心腹結氣治目赤痛傷目瞳淚出皆爛風痺明目之劑又

破痰結

味辛氣平無毒宣本草云甘溫微寒衣有纏絲紋末油者佳
去壳入藥

女萎

經云主風寒霍亂洩痢腸鳴驚瀉寒熱止痢有效

味辛氣溫凡用根不用葉○非白頭翁亦非萎蕤之類

冬瓜仁

醒脾進飲食益氣除煩可作面脂悅澤顏色

味甘氣平寒無毒去壳用

除小腹水脹利大小便止渴○汁止煩燥熱○皮治打跌

味甘平微涼經霜後皮上白如粉故名白冬瓜

茄兒一名落蘇

煎湯可洗漬凍瘡不可多食損人動氣發瘡及痼疾減人精
神

味甘鹹性平寒無所畏生瘡癩者忌食

茄葉燒灰治腸風根葉煮汁洗凍脚瘡燒灰入外科子可
摩醋付癰腫

芸薹

破癥瘕通結血消乳癰不宜多食最損氣生腹中長虫敗湯
發病

味辛氣溫有毒

橘子仁 一名車下李

治腰疼疝氣乳癰

味辛苦氣溫無毒炒去壳研用

酸枣仁

去怔忡及虛寒不得眠寧心志斂虛汗止煩渴補中益肝氣
堅筋骨助陰氣

陳士良云治心腹寒熱結氣四肢痠疼濕痺臍上下痛血轉

久瀉能令人肥健久服安五臟

成無已云治膽實有熱多睡者亦治膽虛寒不眠者

味酸淡氣平無毒惡防已八月採實陰乾去元用

和藥性開脾胃

賦曰助脈強神大和脾胃

十書云養脾胃氣和百藥通九竅補不足之氣

伊訓云極養脾胃氣補精氣生津液助十二經脈治心腹邪氣

和腸胃肥中補氣中滿者禁服多食生束令人腹脹泄瀉多

寒熱羸瘦

經云中滿者勿食甘甘極助滿大建中湯中治心下痞滿者

去飴糖大束甘草同例

味甘平性溫無毒降也陽也殺烏頭毒忌合生葱同食凡入

藥去核否則令人煩

烏梅

收肺熱除煩滿止渴治瀉痢好噎口乾去骨間熱調胃和中

賦曰主便血瘕痢

証類云主肢體痛偏枯不仁死肌去黑痣

仲景云治吐衄下痢能安虫蓋虫聞酸則安

味酸甘平性温無毒可升可降也

白盐梅

治傷損諸瘡止血生肌無癢痕神聖之妙藥也

性味与烏梅同火薰乾者為烏梅晒乾密器藏之者為白梅

去核用

李核仁臣

治女子小腹腫痛主痿折骨痛利小腸下水氣除腫滿

李白皮使

主消渴止心煩氣逆奔豚氣脚下水氣治赤白痢主熱毒煩燥

味苦鹹性大寒無毒

椿白皮

止痢斷疳瀉血疔瘻血崩赤帶可洗疥瘡

味苦全温香有毒無花不實者為椿有花而莢者為樗

又云氣寒椿木實樗木中虛其葉相類

樗白皮使

止赤白久痢腸滑痔病瀉血不止女子血崩月信東多赤白

帶下

成無已云止瀉及腸風疔疥瘻主鬼疰傳尸蠱毒下血

味苦性寒無毒又云微温有小毒蠶入藥取東引細根皮

水煮服

樗葉搗汁可洗瘡除疥及虱

川棟子 一名金鈴子 一名石茱萸

治傷寒大熱煩燥發狂治暴心痛利小便殺三虫疥瘍

味苦氣寒有小毒今處_上有但川蜀者良有川棟有苦棟木高二三丈葉似槐而長三四月開花紅紫色芬芳實如彈丸生青熟黃冬月採實晒乾酒拌浸蒸熟剥去皮取肉去核只單用其核搗用漿水煮一伏時用凡使肉不使核使核不使肉

棟根白皮

治蛇虫利大腸。一云最殺蛇虫

味苦性微寒有雌雄二種雄者根赤無子有毒服之令人吐瀉不止有至死者雌者根白有子微毒凡用當擇雌者用之黃汁服

石榴皮

止漏精澁腸攻痢治筋牽脚痛

味酸澁無毒忌鉄漿水浸一宿用酸者入藥佳

梨木皮

療湯火之傷

味甘淡氣寒無毒採取陰乾為末入敷藥不入湯丸_上有之

梨實

除煩熱止嗽可吐風痰。不宜多食成冷痢產婦及金瘡尤不可食味甘微酸氣寒無毒

推實

味甘無毒治五痔殺虫蠱毒消食進食助筋骨行榮明目輕身

胡桃肉

肥肌潤顏色○去痔消瘰癧

味甘平無毒○和酒研入菜服療撲傷

柿乾

止痢澁腸生宜解酒渴止噦最潤喉通其鼻止血治嗽

味甘氣寒無毒青州者良即柿餅也

柿霜

清肺消痰

味甘氣寒無毒○即柿乾上白粉也

下氣止噦

味苦澁氣微寒無毒

枇杷葉

下氣止噦嘔久嗽療肺風熱和胃止渴

味苦氣平無毒火炙拭去毛用否則其毛入肺為久嗽不止

橄欖

止渴生津

味酸甘澁氣溫無毒

龍眼

主五臟邪氣安志厭食除蠱毒久服強氣聰明通神輕身

味甘氣平無毒

荔枝

安寃定魄益智和中

味甘微酸氣平無毒。荔枝核治心痛

椰子

益氣去風。味似胡桃又似生榧子肉用飴糖浸之甚佳。

椰漿治消渴搽頭益髮令黑飲之醺人為之柳酒

皮味苦平無毒止嘔吐逆霍亂煮汁服

苦茗

即茶也

除痰下氣消宿食止痢清頭目利小便消熱渴

機要云鮮煎炒油毒令人少睡療中風昏憤多睡不醒

湯液云苦以瀉之其躰下行何以能清頭目

味苦甘微寒無毒入足厥陰肝經

主面目及舌下黃強不眠久食輕身少睡治霍亂氣逆雖冷

盛益人不可同血食

味苦平氣寒無毒蚕子出時不可取拘令蚕子青爛蚕婦亦

忌食

大小茴香

治疝氣腎痛及一切風及腎氣冷痛膀胱陰痛脚氣育腸氣

調中止腹痛霍亂嘔吐開胃進食破一切臭氣感蛇傷

味甘辛氣平無毒入手足太陰太陽二經治膀胱之劑陰乾

得酒良小茴香入藥炒用大茴香不必炒

藟蘿

主小兒氣脹霍亂嘔逆腹冷食不下兩脇痞滿健脾開胃溫

藥性大全
腸療腎氣可与阿魏同食奪其氣味

甘松

浴躰令香專辟惡氣治卒心腹痛滿下氣治黑皮野豷風痺
齒齲

賦云理風氣止痛

味甘氣溫無毒得白芷附子良可作衣香即香草也

三柰

專辟惡氣

味辛氣溫有小毒可作衣香

青蒿

除骨蒸勞熱明目瘡疥服若生按付金瘡止血止痛生肌
味苦氣寒無毒處上有之根苗子葉皆入藥各自使之用

勿用藥用枝勿用根四者若同用反能病得童便浸良亦

可煎水洗瘡除疥虱疥痒亦作雞香菜合之

大青

治時氣頭痛大熱口瘡腫毒煩悶渴疾

味甘苦大寒無毒

白百合 一名強瞿 一名強仇

主和氣腹脹心痛除心下急滿治咳逆補益氣血安心定膽
益志養五臟止顛邪啼泣狂斗驚悸除浮腫痞滿寒熱遍身
疼痛及乳難喉閉乳癰諸瘡腫產後血狂運

經云治咳嗽痰中帶血除熱結通大小便攻發背瘡癰寧心
消脹

味甘鹹氣平無毒

藥性大全
紅百合 一名連珠 一名山丹

治瘡腫療驚邪。百合有赤白二種葉細花紅者不入藥葉
大莖長根粗花白者宜入藥

百部使

治肺熱咳嗽年久癆嗽及疥癬去虱

湯液云主咳嗽上氣潤肺益肺殺蛇虫去傳尸骨蒸

味甘苦氣微溫又云微寒無毒酒浸炒用。其根數相連似

天門冬而小苦強有小毒火炙酒淬飲之止咳又能去虫

紫苑臣

安五臟益肺療肺痿咳嗽吐膿咳血補虛止渴通結氣

伊訓云主咳逆上氣胸中寒熱結氣去蠱毒痿癰止喘悸補

虛勞驚悸

東垣云調中治肺痿吐血清痰止渴潤肌膚添骨髓

味苦辛氣平溫無毒欵冬花為之使惡澤瀉茵桂雷丸遠志

苗陳採取陰乾

雷公云蜜水浸一宿烘乾去芦用

茅香花

主中惡溫胃止嘔吐療心腹冷痛

味苦氣溫無毒又云甘平苗葉可煮湯浴身令香辟邪氣

零陵香

一名薰草

湯液云明目止痰療泄精去臭氣治血氣腹脹

味甘辛氣平溫無毒酒煎莖葉服得酒良

松香

療金瘡止血止痛生肌及治膿胞疥瘡辟谷不飢

經云治疽惡瘡白禿疥癩安五臟除胃中伏熱咽乾消渴及
風痺死肌治脚軟骨節風為丸久服輕身不老
味苦甘氣溫無毒用白黃色者良黑色者不用入敷藥及膏
不入湯

松葉甘溫無毒治風痺補虛羸安五臟延年

松葉苦氣溫無毒治風濕瘰生毛髮安五臟守中不飢

松節治百節久風七虛脚痺痠痛漬酒可治歷節風

松根白皮苦溫無毒補五勞益氣辟谷不飢

松蘿治氣癰項大味苦甘氣溫平無毒非松毬一云即松毬

楓香 一名白膠香 一名楓乳 一名雲香

辟惡氣焚烟可除痘疹之邪消風止痛治癰瘡風癢齒痛及
水腫瘡毒

味甘辛無毒即楓脂也

檀香

定霍亂治心氣痛消風熱腫毒中惡鬼氣殺虫

經云引胃氣上升進食能調氣而引清香之氣上行至高之
分最宜橙橘之屬佐以姜束助以葛根豆蔻砂仁益志通行
湯明之經在胸膈之上如咽溢之中同為理氣之藥

湯液云治腎氣諸痛腹痛股痛執腫主霍亂中惡

味辛鹹氣溫無毒入手太陰肺少陰心通行陽明胃大腸諸

經之藥

沉香

降氣定霍亂心痛療風水毒腫去惡氣

經云調中補五臟益精壯陽暖腰膝去邪氣止轉筋吐瀉冷

氣破癥瘕冷氣麻痺骨節不仁濕風皮膚癢痒心腹氣痛
味甘辛氣溫熱無毒入水沉而中堅實黑色者佳

藿香

開胃口進食止霍亂除嘔逆止心痛辟惡氣

機要云療風水毒腫醫方治脾胃吐逆為最要之藥也

十書云溫中快氣入烏藥順氣散則補肺入黃芪四君子則

補脾

味甘辛微溫無毒亦也陽也又云可升可降入手足太陰脾

肺二經

丁香臣一名雞舌香

經云主霍亂擁脹風毒諸腫牙齒疔蠶快脾溫胃止吐

東垣云能殺諸香能止心氣腹痛及反胃蠱毒腎氣奔豚氣

陰痛壯陽暖腰膝有雌雄七者小力火雄者大為之母丁香

力大

湯液云消痰癖除冷勞与五味子廣茂同用治奔豚氣瀉肺

氣補胃大能療腎

味辛氣溫熱純陽無毒入手太陰肺足陽明胃少陰腎三經

丁香花

止五色毒痢止氣止心腹痛及治乳頭破裂

丁皮能治齒痛

丁香根療風執腫毒不入心腹藥

氏氏方論雞舌香或以為番東核或以為母丁香議論紛紜

互相排抵竟無定說惟閩孝忠云古人命藥多以其形似名

之如烏頭狗脊鶴虱之類是也番東核母丁香本二種物也

皆以雞舌故名適同而用實異蓋番東核得於乳香中今治折傷藥中多用之母丁香即今丁香之老者極芳烈古人含雞舌香者此也今治氣及溫中藥多用之最為易辨經史証類本草亦言丁香即雞舌香也

乳香

經云下氣益精補腰膝治腎氣吐嘔霍亂冲惡中和氣心腹痛疰氣療耳聾中風口禁風冷理婦人血氣止瀉消瘡癰瘰癧止痛治癆攻血

珍云極定諸經之痛辟邪惡補精益腎

味辛苦氣溫無毒陽也

雷公云用箬葉微炒出油入藥

宣城本草云乳薰陸香俱是波斯國松木脂也

薰陸香

即乳香之同類者治腎氣補腰膝去邪氣止血痛療風濕毒腫伏尸五疰并症氣微溫盛有樹膠也

蘇合香

辟惡除濕瘴殺鬼蠱毒殺虫久服不生瘰癧

味甘氣溫無毒天竺出此香是諸香汁煎成非自然一物也惟堅實極芬芳重如石燒之灰白者佳

陳藏器本草云蘇合香是獅子尿獅子尿是西方草木皮汁所為胡人欲人貴之故飾其名為蘇合未詳其義按獅尿赤黑色燒之去鬼服之破宿血殺虫蘇合香色黃白二物相似而不同

藿香舊註附五香條下皆扶南國人言藿香俱是一本根是

梅栳香節是沉水香花是雞舌香藥是藿香其膠滴出未沾

泥沙如乳頭者名乳香滴在沙石上年久重疊者為薰陸香

証類本草載与沉香共條盖此義也今世人所用藿香乃土中所種草生者也

味木者也非一物明矣

安息香

辟惡氣鬼疰止心腹痛益腎止遺精

伊訓云治婦人血禁及產後血運止霍亂風痛

味辛苦氣平無毒似松脂黃黑色

安息香油可燒薰痘疹不起不乾者極良

沒藥

治瘡散血止痛療金瘡杖瘡諸惡瘡痔漏下血

十書云破癰結宿血消腫毒去目中翳暈痛

味苦辛氣溫平無毒生波斯國以安息色黑炒出油用

血結一名麒麟結

止血出瘰金瘡傷折

主五臟邪氣帶下止痛破積散血生肌肉

味甘鹹氣平溫有小毒勿候用海母血最相似但真血竭甘

鹹似梔子氣爵不爛如蠟者佳

冰片一名梅花腦

清頭明目拔目中熱通九竅消風止驚搐散血散腫其香透

頂攻耳聾

味辛苦氣涼性熱無毒以其辛熱故點眼能散其血而拔出

其熱毒也人但見其能去目中熱便以為涼濟而不知其氣

涼性熱也蓋血得熱則行得○涼則止若是寒癰奚能散血
取其性之執明矣

粗壯瑩白大片如梅花瓣者名梅花片良

此藥不宜多服若服餌過多之人則身冷如醉氣絕而死蓋
此藥氣厚於味故服之過多者氣窒不通而死非中其毒也
經史證類云廣州九腦香及膏香味辛苦微寒

番經云苦辛溫平無毒主治心腹和氣風濕積聚治耳聾明
目去目中赤膚翳出婆律國形似白松脂作杉木氣明學者
善久經風日或如雀尿者不佳云合縹一作粳米灰相思子
貯之則不耗○膏主治耳聾

唐本註云樹形如杉木言婆律膏是樹根下青脂龍腦是根
中乾脂其樹生子似豆蔻皮有錯甲香似龍腦其味辛尤下
惡云散脹滿消食香人口

神農湯液云龍腦香出婆律國今惟南海番客負之相傳云
其木高七八丈大可六七圍如積年杉木狀傍生枝葉正圓
而背白結實如豆蔻皮有甲錯香即木中脂也作杉木氣膏
乃根下清液耳亦謂之婆律膏良成式

酉陽雜俎云龍腦香樹出波斯國木高七八丈
大六七圍葉圓而背白無花實其樹有瘡有肥瘦者出龍腦
香肥者出婆利膏香在木心中波斯斷其樹剪取之其膏於
樹端流出斫樹作坎而承之其入藥用自有別法

金櫃云龍腦油性溫味苦無毒出佛誓國此油從樹頭所取
磨一切風

二說大同而小異又云南海山中亦有此木唐天室中交趾

貢龍腦香皆如蟬蚕之形時禁中喚為瑞龍腦帶之衣襟香
聞十餘步今海南龍腦多用火煨成片其中亦容雜偽入藥
惟貴生者狀若梅花冰片甚佳

海藥云龍腦香味苦辛性微溫無毒主治內外障眼殺三虫
治五痔明目鎮心西海律國昔年亦貢龍腦香是知其國亦
有之

此物大能通利開膈執寒其清香為百藥之先治大人小兒
風涎閉壅及暴得驚執甚濟事狀非常服之藥獨行則勢弱
佐使則有功

相思子

陳藏器云性平有小毒通九竅治心腹氣令人香

瘡一名潮腦

瘡痛殺虫治疥瘡汗氣

味苦辛氣溫有小毒

南木香

珠囊云調諸氣不可無泄肺氣不可缺賦曰專理氣滯

伊訓云木香二種治女人血氣刺心心痛及九種心痛積年
冷氣痰癖逐諸離氣上冲煩悶治霍亂吐瀉痢疾冷痛嘔逆
反胃健脾胃消食

象云除肺中滯氣若治中下焦結氣須換柳為之使
珍云治腹中氣不轉運和胃氣

證類云治邪氣辟毒疫疔強志主淋露瘵氣劣肌中偏寒
治氣不足消毒溫瘧瘧毒

東垣云本經以木香主氣劣不足補也通壅氣導一切氣破

也安脾健胃補也除痰癖塊破也有補有破何也易老以為

破氣之劑不言補也

鄭七潭云純以此味破氣亦鮮獲效但從臣使亦有補瀉之殊不虛言也

味苦辛氣微溫無毒降也陽也形如枯骨苦口粘牙凡入藥不見火煨柳為之使○形類犀涯販者雜以此宜選真者其犀涯大苦不堪入藥

又与番白芷形亦相類甚能毒殺人生痰鎖喉甚速盛於鴉鳥尤當審辨也其番白芷成片似樹皮之形皮上有點起如包釘為異爾

青木香 一名土木香 調諸氣下膈氣止氣刺痛

味苦辛氣微溫無毒与廣木同種風土有異故力有懸劣尔 功用俱同

馬兜鈴 即青木香子也 主惡瀉馬疥

味辛平無毒生園中久腐如虛軟狀如狗肺彈之紫塵貫出 用敷諸瘡甚良即馬尾菌也

牛李子 一名鼠李 除身熱毒下血及碎肉疔瘻積冷氣水腫脹滿

易老云主風痺寒熱瘰癧 突以五味子色皆黑味苦甘氣寒無毒九蒸酒漬服

皮味苦微寒無毒

蛇床子 一名蛇床

除痺氣利關節類癩惡瘡温中下氣令婦人臍執男子陰強
久服輕身好顏色令人有子

湯液云有毒去男子腰痛浴男子陰去風冷大益陽事朱云
主大風身痒治齒痛驚癩陰汗濕解赤白帶下縮小便治女
陰中腫痛及男子陰痿湿痒及陰瘡

味苦辛甘氣温無毒惡牡丹巴豆貝母凡用按去皮壳取仁
微炒若作湯洗病則生用

木螫子

治乳癰腰痛癆傷折傷及肛門腫痛消結腫惡瘡生肌
味甘氣温無毒形生似螫因名焉

鶴虱

殺三虫及細虫咬心痛止瘡及付惡瘡解砒毒

復毒

味苦平有毒用肉汁送下雷公云忌酒肉用蜜湯送下

歐九種心痛主咳逆治蠱毒虫疽鼠疫

羊桃

味辛平有大毒氣寒似商陸而沉水者良

主燥熱身暴赤色風水積聚惡癆除小兒熱去五臟水消腹

大利小便益氣可作湯浴
味甘酸微苦性寒有小毒

羊躑躅

治賊風侵皮膚淫痛諸痺消蠱毒惡毒專治風濕賊風

味辛氣温有大毒惡諸石及麵為散酒服畏茶凡用取根刮
去粘泥薄皮只取內皮用好酒炒爛过伏地出火毒入藥量

大人小兒用不可多服能殺人

羊蹄根 一名秃菜根

攻疥癬治女陰如蝕瘻痔殺虫主頭疥瘁除熱

味苦辛酸氣寒無毒得醋良

虎杖根 一名班杖 一名大黃杖 一名醋杖

治女人血運產後惡露未盡心腹脹滿撲損瘀血破風毒結
氣瘡癩毒排膿散癥破瘡消疔毒通月水治骨節風治大
熱煩燥止渴利小便破血妊婦忌服

味甘平氣微溫無毒 有之搗浸酒常服通女經破血

馬鞭草

通月水破癥瘕治溫熱陰疔瘡

味辛苦甘氣寒有小毒又云無毒其穗似鞭因名之俗呼為

鐵掃帚生路陌苗似狼牙草又類益母而莖圓花紫葉微似
蓬蒿

馬齒莧

止渴攻痢摩眼翳利便難敷膏散血治火丹殺虫

東垣云主諸腫癢疔目尻脚陰腫反胃諸淋金瘡內流破血
癬癥瘕汁洗去緊唇面皸解射攻馬汗毒

易老云主治目盲白翳利大小便去寒熱殺諸虫止消渴破
癥瘕癰疽服之髮不白

馬蘭花 一名馬薺 一名荔枝 即馬鞭草也

主皮膚寒熱胃中熱氣專治疝氣

味甘辛氣平溫無毒

馬蘭子根

療血崩散風寒濕脾除胃熱喉痺治皮膚寒熱胃中熱氣風
寒不仁堅筋骨令人嗜食

象云治女人血氣煩悶產後血運崩中帶下消一切瘡腫酒
毒止衄血吐血通小腸

易老云止心煩利小便多服令人溇洩

味甘平氣溫微寒無毒葉似蒲根可為刷即北方馬連草也
生近水澗之旁

馬蘭

破宿血養新血合金瘡斷血刺蠱毒解酒疸止鼻衄吐血及
諸菌毒俗呼為紫菊以其花似也其苗可作蔬食
味辛平氣微溫無毒

澤蘭

行傷損之血消四肢之浮排膿攻癰腫長肉生肌

陳藏器云消撲損瘀血止鼻衄吐血療頭風目痛面黃女人

勞瘦

繫古云通九竅利脈養血氣

湯液云治通身面目浮腫妊婦瀝血腰痛產後腹痛類產血
氣虛冷成勞瘦羸

金櫃云破宿血消癥瘕產前後百病通小腸淋瀝
味苦辛甘微溫無毒

木蘭

治皮膚中大熱去面部酒皰赤皰療惡風癩疾陰下濕痒

易老云明耳目及中風傷寒離疽水腫去臭氣

味苦氣寒無毒其氣香美即造舟之木蘭也

辛夷 臣一名木筆 一名迎春花 即今之朝天木蓮花也

經云主五臟身軀寒熱風頭腦痛面黧皤作面脂生光華
湯液云温中解肌利九竅通鼻寒涕出治面腫引齒痛眩運
其身兀兀然如坐舟中者

陳藏器云治憎寒骨蒸瘰癧能生鬚髮下氣通經明目
要畧云可作膏藥

味辛氣温無毒凡用去心及粗皮拭去外毛其毛射人肺令
咳即朝天蓮也取其莖未開者佳又云用花亦可但功力劣
於莖尔微炒入藥又云其子用赤瓣肉似芭蕉水浸一宿取
出用漿水煮從亡至未取出烘乾用又云微炙若治裏中患
即一時去皮用向裏實者

蘇黃

逐冷除心痛及皮膚筋骨之風殺疥虫治癬攻腸風砥痔殺
三虫化食及惡瘡疥癬治腹癢痛除肌膚節中風淫淫如虫
行葉員而厚如榆而差小味苦辛平無毒

杜若

下腎腸逆氣温中治風入腦戶頭腫痛多涕淚眩倒除氣臭
令人不忘

味辛氣温無毒得辛美細辛良惡柴胡全胡

芫菁

主熱風煩悶胸膈熱氣明目鎮心治小兒驚癇殺虫療痔病
瘡癬解巴豆毒可單用殺蛇虫吹鼻去腦疳除臭殺治驚熱
及癰

禹錫云極治癰瘰癧疔毒瘡痔殺疳虫

味苦氣寒無毒以其味苦故名象胆波斯國木脂也

藜芳君

可吐風痰不入湯藥專主治疥殺虫黃白者善治疥癬
十書云主蠱毒效逆泄痢去死肉通喉痺去臭中臭肉
味苦辛氣寒有毒俗名山稅及細辛芍藥五參惡大黃凡用
去芦頭微炒用黃連為之使

漏芦君

主皮膚熱惡瘡疽痔濕痺下乳汁止遺溺
東垣云治身熱毒風惡瘡皮膚瘙癢疹連翹為之使治小
兒壯熱通小腸療洩精尿血風赤眼乳癰發背癰瘰腸風排
膿補血治跌損續筋骨付金瘡止血生肌
不黎芳有毒非漏芦也其性味亦不同黎芳苦辛有毒漏芦

味苦鹹性大寒無毒

吳藍君

殺心頭虫

味苦冷無毒汁作靛可染青色即青黛也

青黛君

解諸藥毒小兒諸熱癰疽天行頭痛寒熱摩付熱毒諸瘡
易老云甘平解小兒疳熱消瘦殺虫

味鹹性大寒無毒云甘平者誤矣

藍實

主解諸毒殺蟲殺葉汁殺石藥毒解狼毒之毒補五臟填骨

髓明目

味苦氣寒無毒

地榆

主下部積熱之血痢止下焦不禁之月經

經云治婦人乳產七傷帶下月水不止產前後諸血除惡血
止痛腸風泄血主濃血諸瘻惡瘡治金瘡止血排膿亦治上
部見血凡熱痢則可服虛寒冷瀉不宜服

賦曰療崩漏止血止痢

味苦甘酸澁氣微寒無毒得髮良惡麥冬洗去土用

石膏

通淋於小腸補五勞安五臟療發背治淋瀝遺溺

証類云主勞熱邪氣五癆閉不通利小便止煩下氣去惡風
益血精氣

藥性云治五淋癆囊結熱不通

味甘氣平微寒無毒杏仁為之使得菖蒲良生山石上
不聞水聲及人聲者良二月採葉陰乾用時微炙去黃毛石
則射人肺令人嗽不可療

石龍薔

一名龍鬚

即席上草也

与灯心草同種

主心腹邪氣小便不利淋閉風濕補虛出汗除壅中痛
味苦甘平微寒無毒易老云微温悞也前灯心草條下有此

石龍芮

平胃氣通關節除風寒濕痺腎冷療失精壅冷

湯液云逐諸風濕主心熱燥利關節止煩滿平胃腎氣補陰
氣久服輕身明目令人不老皮膚晁澤令人有子

味苦平無毒大戟為之使畏蛇退菜黃

草龍膽

退肝經和熱除下焦濕腫益肝虛瘵驚傷掃疔去膀胱冷氣

止瀉刺破癥瘕

經云除胃中伏熱時氣溫熱主骨間客熱止煩洩痢去腸中

小虫益肝膽氣止小兒驚風癩疔定五臟明目益志治健忘續絕

傷殺蠱毒

東垣云去翳膜之濕治及目赤腫睛脹癢肉高起疼瀉不可

忍者以柴胡為主此藥為佐

味大苦氣大寒無毒去芳去泥用純陰之劑酒浸上行黃芩

小豆為之使惡防葵地黃

